



Godina XXVI - Broj 1

ZENICA, petak, 29.01.2021.god.

V L A D A

1.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko – dobojskog kantona“, broj: 7/10), na prijedlog Ministarstva finansija, Vlada Zeničko-dobojskog kantona, na 91. sjednici, održanoj dana 14.01.2021. godine, donosi

O D L U K U

o određivanju potpisnika naloga platnih transakcija za period od 01.01.2021. godine do 31.03.2021. godine

Član 1.**(Potpisnici naloga platnih transakcija)**

(1) Za potpisnika naloga platnih transakcija sa depozitnog računa otvorenog kod ASA Banka d.d. Sarajevo, za povrate pogrešno ili više uplaćenih javnih prihoda, za period od 01.01.2021. godine do 31.03.2021. godine, od strane Vlade Zeničko – dobojskog kantona određuje se:

a) Josip Lovrić, ministar Ministarstva finansija,

(2) Za potpisnike naloga platnih transakcija sa transakcijskog računa otvorenog kod ASA Banka d.d. Sarajevo, za period od 01.01.2021. godine do 31.03.2021. godine, od strane Vlade Zeničko – dobojskog kantona određuju se:

a) Josip Lovrić, ministar Ministarstva finansija, i

b) Mirnes Bašić, premijer po Odluci predsjedavajućeg Skupštine Zeničko-dobojskog kantona.

(3) Za potpisnike naloga platnih transakcija putem deviznog računa otvorenog kod ASA Banka d.d. Sarajevo, za period od 01.01.2021. godine do 31.03.2021. godine, od strane Vlade Zeničko – dobojskog kantona određuju se:

a) Josip Lovrić, ministar Ministarstva finansija, i

b) Mirnes Bašić, premijer po Odluci predsjedavajućeg Skupštine Zeničko-dobojskog kantona.

(4) Za potpisnike naloga platnih transakcija sa «posebnog ESCROW transakcijskog računa» otvorenog kod ASA Banka d.d. Sarajevo, za period od 01.01.2021. godine do 31.03.2021. godine, od strane Vlade Zeničko – dobojskog kantona određuju se:

a) Josip Lovrić, ministar Ministarstva finansija, i

b) Mirnes Bašić, premijer po Odluci predsjedavajućeg Skupštine Zeničko-dobojskog kantona.

(5) Za potpisnike naloga platnih transakcija sa posebnog transakcijskog računa - sredstva ostvarena po osnovu posebne naknade za zaštitu od prirodnih i drugih nesreća, otvorenog kod ASA Banka d.d. Sarajevo, za period od 01.01.2021. godine do 31.03.2021. godine, od strane Vlade Zeničko – dobojskog kantona određuju se:

a) Džavid Aličić, direktor kantonalne uprave civilne zaštite,

b) Josip Lovrić, ministar Ministarstva finansija, i

c) Mirnes Bašić, premijer po Odluci predsjedavajućeg Skupštine Zeničko-dobojskog kantona.

(6) Za potpisnike naloga platnih transakcija sa transakcijskog računa otvorenog kod Union banke D.D. Sarajevo, za period od 01.01.2021. godine do 31.03.2021. godine, od strane Vlade Zeničko – dobojskog kantona određuju se:

a) Josip Lovrić, ministar Ministarstva finansija, i

b) Mirnes Bašić, premijer po Odluci predsjedavajućeg Skupštine Zeničko-dobojskog kantona.

(7) Za potpisnike naloga platnih transakcija sa podračuna za Centralizovani obračun i isplatu plaća otvorenog kod ASA Banka d.d. Sarajevo, za period od 01.01.2021. godine do 31.03.2021. godine, od strane Vlade Zeničko – dobojskog kantona određuju se:

- a) Josip Lovrić, ministar Ministarstva finansija, i
- b) Mirnes Bašić, premijer po Odluci predsjedavajućeg Skupštine Zeničko-dobojskog kantona.

(8) Za potpisnike naloga platnih transakcija sa transakcijskog računa otvorenog kod Sparkasse dd Sarajevo, za period od 01.01.2021. godine do 31.03.2021. godine, od strane Vlade Zeničko – dobojskog kantona određuju se:

- a) Josip Lovrić, ministar Ministarstva finansija, i
- b) Mirnes Bašić, premijer po Odluci predsjedavajućeg Skupštine Zeničko-dobojskog kantona.

(9) Za potpisnike naloga platnih transakcija sa računa blagajničko poslovanje budžetskih korisnika, otvorenog kod ASA Banka d.d. Sarajevo, za period od 01.01.2021. godine do 31.03.2021. godine, od strane Vlade Zeničko – dobojskog kantona određuju se:

- a) Josip Lovrić, ministar Ministarstva finansija,
- b) Mirnes Bašić, premijer po Odluci predsjedavajućeg Skupštine Zeničko-dobojskog kantona.
- c) Zlatko Jelić, ministar Ministarstva za privredu.

(10) Za potpisnike naloga platnih transakcija sa posebnog namjenskog računa otvorenog kod ASA Banka d.d. Sarajevo za prikupljanje sredstava za saniranje šteta nastalih od poplava na području Zeničko-dobojskog kantona, za period od 01.01.2021. godine do 31.03.2021. godine, od strane Vlade Zeničko – dobojskog kantona određuju se:

- a) Džavid Aličić, direktor Kantonalne uprave civilne zaštite,
- b) Josip Lovrić, ministar Ministarstva finansija, i
- c) Mirnes Bašić, premijer po Odluci predsjedavajućeg Skupštine Zeničko-dobojskog kantona.

(11) Za ovlaštene potpisnike naloga platnih transakcija sa namjenskog računa u Razvojnoj banci Federacije Bosne i Hercegovine, za period od 01.01.2021. godine do 31.03.2021. godine od strane Vlade Zeničko – dobojskog kantona određuju se:

- a) Mirnes Bašić, premijer po Odluci predsjedavajućeg Skupštine Zeničko-dobojskog kantona.
- b) Josip Lovrić, ministar Ministarstva finansija.

Član 2.

(Zamjenici potpisnika naloga platnih transakcija)

Za zamjenike potpisnika naloga platnih transakcija sa depozitnog, transakcijskih računa, deviznog računa, posebnog ESCROW transakcijskog računa, podračuna i posebnih transakcijskih i namjenskih računa iz člana 1. stav (1) do (10) ove odluke, određuju se:

- a) Zlatko Jelić, ministar Ministarstva za privredu, i
- b) Fahrudin Čolaković, ministar Ministarstva za boračka pitanja.

Član 3.

(Potpisnici naloga platnih transakcija za utrošak namjenskih sredstava)

Potpisnici naloga platnih transakcija iz namjenskih sredstava sa depozitnog i transakcijskog računa otvorenog kod ASA Banka d.d. Sarajevo, pored potpisnika iz člana 1. stav (1) i (2) ove odluke su i ministri nadležnih ministarstava za oblast na koju se odnose namjenska sredstva, i to:

- a) Zlatko Jelić, ministar Ministarstva za privredu za pripadajuća sredstva od koncesija,
- b) Arnel Isak, ministar Ministarstva za prostorno uređenje, promet i komunikacije i zaštitu okoline, za sredstva za zaštitu okoline,
- c) Mirnes Bašić, ministar Ministarstva za poljoprivredu, šumarstvo i vodoprivredu, za sredstva posebnih vodnih naknada, naknada za korištenje poljoprivrednog zemljišta u nepoljoprivredne svrhe, naknada za korištenje šuma i pripadajuća sredstva od koncesija,
- d) Dario Pekić, ministar Ministarstva unutrašnjih poslova, za sredstva od izdatih ličnih dokumenata, i
- e) Fahrudin Čolaković, ministar Ministarstva za boračka pitanja, za sredstva fonda za izgradnju stanova.

Član 4.

(Stupanje na snagu)

Ova odluka stupa na snagu danom donošenja, primjenjuje se od 01.01.2021. godine i objavit će se u „Službenim novinama Zeničko-dobojskog kantona“.

Broj: 02-30-854/21

Datum: 14.01.2021. godine

Zenica

P R E M I J E R
po Odluci predsjedavajućeg Skupštine

Mirnes Bašić, s.r.

.....

2.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 11. stav (2) Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 14/20), na prijedlog Ureda Premijera i Ministarstva finansija, Vlada Zeničko-dobojskog kantona, na 91. sjednici, održanoj dana 14.01.2021. godine, donosi

O D L U K U

o unosu nedostajućih sredstava za stvorene obaveze u Budžetu Zeničko-dobojskog kantona za 2020. godinu

Član 1.

(Predmet)

U cilju poštivanja računovodstvenog načela sveobuhvatnosti i principa modificiranog nastanka događaja, te realnog finansijskog izvještavanja o izvršenju Budžeta za 2020. godinu, nalaže se Ministarstvu finansija - Odsjeku za planiranje i izvršenje budžeta, unos nedostajućih sredstava za obaveze pojedinih budžetskih korisnika koje prelaze iznose odobrene u operativnim planovima novčanih tokova Budžeta Zeničko-dobojskog kantona za 2020. godinu.

Član 2.

(Provođenje Odluke)

Za provođenje ove odluke zadužuju se svi organi uprave, upravne organizacije i službe Zeničko-dobojskog kantona, svako u okviru svoje nadležnosti.

Član 3.

(Stupanje na snagu)

Ova odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-11-863/21

Datum: 14.01.2021. godine

Zenica

P R E M I J E R

po Odluci predsjedavajućeg Skupštine

Mirnes Bašić, s.r.

3.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 43. Zakona o izvršavanju budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 14/20), na prijedlog Ministarstva finansija, Vlada Zeničko-dobojskog kantona, na 90. sjednici, održanoj dana 28.12.2020. godine, donosi

O D L U K U

o privremenom raspolaganju namjenskim sredstvima budžeta

Član 1.

(Privremeno raspolaganje)

Odobrava se, radi prevazilaženja tekuće nelikvidnosti Budžeta u 2020. godini, privremeno raspolaganje namjenskim sredstvima korisnika budžeta, iz člana 43. Zakona o izvršavanju budžeta Zeničko-dobojskog kantona, a koja se nalaze na transakcijskom računu, u okviru Jedinstvenog Računa Trezora (JRT) Zeničko-dobojskog kantona, broj: 1340100000017386, otvorenog kod ASA Banke d.d. Sarajevo, knjigovodstveno evidentiranih na kontima 391000 – Kratkoročna razgraničenja.

Član 2.

(Realizacija utroška namjenskih prihoda)

Privremenim raspolaganjem namjenskim prihodima korisnika budžeta, ne ugrožava se realizacija/plaćanje obaveza stvorenih iz navedenih sredstava od strane nadležnih budžetskih korisnika.

Član 3.

(Saglasnost)

Donošenjem ove odluke smatra se da je data prethodna saglasnosti, resornih kantonalnih ministarstava i uprava iz člana 43. Zakona o izvršavanju budžeta Zeničko-dobojskog kantona za 2020. godinu, za privremeno raspolaganje namjenskim sredstvima u 2020. godini.

Član 4.

(Realizacija Odluke)

Za realizaciju ove odluke zadužuju se Ministarstvo finansija i ministarstva i uprave iz člana 1. ove odluke.

Član 5.**(Stupanje na snagu Odluke i objavljivanje)**

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-19999/20

Datum: 28.12.2020. godine

Zenica

P R E M I J E R

po Odluci predsjedavajućeg Skupštine

Mirnes Bašić, s.r.
.....**4.**

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u skladu sa članom 15. Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj 24/19 i 14/20), na prijedlog Ministarstva finansija, Vlada Zeničko-dobojskog kantona, na 90. sjednici, održanoj dana 28.12.2020. godine, d o n o s i

O D L U K U

**o preraspodjeli rashoda u budžetu
Zeničko-dobojskog kantona za 2020. godinu**

Član 1.**(Predmet)**

Odobrava se preraspodjela rashoda planiranih u Budžetu Zeničko-dobojskog kantona za 2020. godinu za Ministarstvo za privredu i Ministarstvo finansija.

Član 2.**(Način preraspodjele sredstava)**

Preraspodjela rashoda planiranih u Budžetu Zeničko-dobojskog kantona za 2020. godinu, vrši se na slijedeći način:

- a) na razdjelu 18, budžetska organizacija 01, potrošačka jedinica 0001 – Ministarstvo za privredu, umanjuju se rashodi planirani na poziciji 614500 – Ostale subvencije preduzećima za saniranje štete u privredi uzrokovanih pandemijom COVID-19 za 1.440.000,00 KM;
- b) na razdjelu 17, budžetska organizacija 01, potrošačka jedinica 0001 – Ministarstvo finansija,

uvećavaju se rashodi planirani na poziciji 616300 – Kamata na domaće pozajmljivanje za 370.000,00 KM;

- c) na razdjelu 17, budžetska organizacija 01, potrošačka jedinica 0001 – Ministarstvo finansija, uvećavaju se rashodi planirani na poziciji 823300 – Otplate domaćim finansijskim institucijama za 1.070.000,00 KM.

Član 3.**(Realizacija odluke)**

Za realizaciju ove odluke zadužuju se Ministarstvo za privredu i Ministarstvo finansija, svako u okviru svojih nadležnosti.

Član 4.**(Stupanje na snagu)**

Ova odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-11-20027/20

Datum: 28.12.2020. godine

Zenica

P R E M I J E R

po Odluci predsjedavajućeg Skupštine

Mirnes Bašić, s.r.
.....**5.**

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 137. i 138. Zakona o radu („Službene novine Federacije Bosne i Hercegovine“, broj: 26/16 i 89/18), na prijedlog Ministarstva zdravstva Zeničko-dobojskog kantona, Vlada Zeničko-dobojskog kantona, na 90. sjednici, održanoj dana 28.12.2020. godine, d o n o s i

O D L U K U

**o davanju saglasnosti na Kolektivni ugovor o pravima
i obavezama poslodavaca i radnika u zdravstvu na
području Zeničko-dobojskog kantona**

Član 1.**(Predmet)**

Vlada Zeničko-dobojskog kantona daje saglasnost na Kolektivni ugovor o pravima i obavezama poslodavaca i

radnika u zdravstvu na području Zeničko-dobojskog kantona, koji je prethodno usaglašen Sporazumom o mirnom rješenju spora oko zaključenja Kolektivnog ugovora o pravima i obavezama poslodavaca i radnika zaposlenih u zdravstvu na području Zeničko-dobojskog kantona, broj: 11-34-13053-11/20 od 07.12.2020. godine, koji je zaključen između strana u sporu: Vlade Zeničko-dobojskog kantona, zastupane po ministru zdravstva Zeničko-dobojskog kantona dr Adnanu Jupiću, po ovlaštenju Vlade Zeničko-dobojskog kantona - Zaključak Vlade Zeničko-dobojskog kantona, broj: 02-30-18511/20 od 30.11.2020. godine i Nezavisnog strukovnog sindikata radnika zaposlenih u zdravstvu Federacije Bosne i Hercegovine, Kantonalna organizacija Zeničko-dobojskog kantona, zastupanog po predsjedniku Zaimu Begiću, po ovlaštenju Predsjedništva Nezavisnog strukovnog sindikata radnika zaposlenih u zdravstvu Federacije Bosne i Hercegovine, Kantonalna organizacija Zeničko-dobojskog kantona, broj: 110-a od 19.11.2020. godine.

Član 2.

(Ovlaštenje za potpis)

Za potpisivanje Kolektivnog ugovora iz člana 1. ove odluke ovlašćuje se dr Adnan Jupić, ministar Ministarstva zdravstva Zeničko-dobojskog kantona.

Član 3.

(Stupanje na pravnu snagu)

Ova odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-30-19991/20

Datum: 28.12.2020. godine

Zenica

P R E M I J E R

po Odluci predsjedavajućeg Skupštine

Mirnes Bašić, s.r.

Na osnovu člana 137. i 138a. Zakona o radu ("Službene novine Federacije BiH", broj: 26/16 i 89/18), Nezavisni strukovni sindikat radnika zaposlenih u zdravstvu u Federaciji Bosne i Hercegovine, Kantonalni odbor Zeničko-dobojskog kantona, s jedne strane i ministar zdravstva Zeničko-dobojskog kantona, uz prethodnu saglasnost Vlade Zeničko-dobojskog kantona, s druge strane, usaglasili su i zaključili dana 29.12.2020. godine

KOLEKTIVNI UGOVOR

O PRAVIMA I OBAVEZAMA POSLODAVACA I RADNIKA U ZDRAVSTVU NA PODRUČJU ZENIČKO-DOBOJSKOG KANTONA

I OPĆE ODREDBE

Član 1.

Kolektivnim ugovorom o pravima i obavezama poslodavaca i radnika u zdravstvu na području Zeničko-dobojskog kantona (u daljem tekstu: Ugovor) uređuju se prava i obaveze iz rada i po osnovu rada radnika u zdravstvu uposlenih u javnim zdravstvenim ustanovama čiji su osnivači općine/grad ili kanton, a u smislu člana 53. Zakona o zdravstvenoj zaštiti („Službene novine Federacije BiH“, broj: 46/10 i 75/13).

Član 2.

- (1) Poslodavac je pravno lice koje radniku daje posao na osnovu ugovora o radu.
- (2) Radnik je fizičko lice koje je zaposleno na osnovu ugovora o radu.
- (3) Radnik u smislu ovog ugovora je radnik u zdravstvu koji je po Zakonu o radu zaposlen na osnovu ugovora u radu.

Član 3.

Zabranjena je diskriminacija radnika s obzirom na spol, spolno opredjeljenje, bračno stanje, porodične obaveze, starost, invalidnost, trudnoću, jezik, vjeru, političko i drugo mišljenje, nacionalnu pripadnost, socijalno porijeklo, imovno stanje, rođenje, rasu, boju kože, članstvo ili nečlanstvo u političkim strankama i sindikatima, zdravstveni status, ili neko drugo lično svojstvo.

Član 4.

- (1) Poslodavcu i drugim licima zaposlenim kod poslodavca zabranjeno je uznemiravanje ili seksualno uznemiravanje, nasilje po osnovu spola, kao i sistematsko uznemiravanje na radu ili u vezi s radom (mobing) radnika.
- (2) Uznemiravanje u smislu stava (1) ovog člana je svako neželjeno ponašanje uzrokovano nekim od osnova iz člana 8. Zakona o radu, koje ima za cilj ili predstavlja povredu dostojanstva radnika, a koje uzrokuje strah ili neprijateljsko, ponižavajuće ili uvredljivo okruženje.
- (3) Seksualno uznemiravanje u smislu stava (1) ovog člana je svako ponašanje koje riječima ili radnjama seksualne prirode ima za cilj ili predstavlja povredu dostojanstva radnika, a koje izaziva strah ili stvara ponižavajuće ili uvredljivo okruženje.
- (4) Nasilje na osnovu spola je bilo koje djelo koje nanosi fizičku, psihičku, seksualnu ili ekonomsku štetu ili patnju, kao i prijetnje takvim djelima koje ozbiljno sputavaju lica u njihovim pravima i slobodama na principu ravnopravnosti spolova na radu ili u vezi sa radom.
- (5) Mobing predstavlja specifičnu formu nefizičkog uznemiravanja na radnom mjestu, koje podrazumijeva ponavljanje radnji kojima jedno ili više lica psihički zlostavlja i ponižava drugo lice, a čija je svrha ili posljedica ugrožavanje njegovog ugleda, časti, dostojanstva, integriteta, degradacija radnih uvjeta ili profesionalnog statusa.

Član 5.

- (1) Ne smatraju se diskriminacijom pravljenje razlike, isključenje ili davanje prvenstva u odnosu na određeni posao kada je priroda posla takva ili se posao obavlja pod takvim uvjetima da karakteristike povezane sa nekim od osnova iz člana 4. ovog Ugovora predstavljaju stvarni i odlučujući uvjet obavljanja posla, te da je svrha koja se time želi postići opravdana.
- (2) Ne smatraju se diskriminacijom odredbe Zakona o radu, kolektivnog ugovora i ugovora o radu koje se odnose na posebnu zaštitu određenih kategorija radnika u skladu sa zakonom.

Član 6.

Ovaj Ugovor obavezuje strane koje su ga zaključile, kao i strane koje mu naknadno pristupe, a u smislu odredbi člana 142. i 143. Zakona o radu.

Član 7.

- (1) Strane koje su zaključile ovaj Ugovor obavezuju se primjenjivati ovaj Ugovor u dobroj vjeri.
- (2) Ako zbog promjena okolnosti koje nisu postojale u trenutku zaključenja ovog Ugovora, odnosno u trenutku proširenja primjena ovog Ugovora, jedna od ugovornih strana ne bi mogla neke od odredbi ovog Ugovora izvršavati ili bi joj to bilo izuzetno otežano, obavezuju se da neće jednostrano prekršiti ovaj Ugovor, nego će drugoj ugovornoj strani predložiti izmjene ugovora, na način i po postupku utvrđenom ovim Ugovorom i Zakonom o radu.

Član 8.

Na sva pitanja koja nisu uređena ovim Ugovorom, primjenjuje se Zakon o radu, Zakon o zdravstvenoj zaštiti, Zakon o liječništvu, Zakon o stomatološkoj djelatnosti, Zakon o zdravstvenom osiguranju, Zakon o zaštiti na radu, kao i propisi donijeti na osnovu navedenih zakona, te drugi zakoni i propisi.

II RADNO VRIJEME**Član 9.**

- (1) Puno radno vrijeme radnika traje 37,5 sati sedmično.
- (2) Sedmično radno vrijeme raspoređeno je na pet dana u sedmici, u pravilu od ponedjeljka do petka.
- (3) Za poslove koji se obavljaju u smjenskom radu ili poslove koji zahtijevaju drugačiji raspored dnevnog, odnosno sedmičnog i mjesečnog radnog vremena poslodavac može odrediti drugačiji dnevni, sedmični i mjesečni raspored radnog vremena u skladu sa Zakonom o radu, kantonalnim propisom kojim je uređen početak, završetak i raspored radnog vremena zdravstvenih ustanova koje imaju status ugovorne zdravstvene ustanove, a u smislu člana 181. stav 8. Zakona o zdravstvenoj zaštiti, kao i pravilnikom o radu zdravstvene ustanove.

Član 10.

- (1) Za organizaciju rada odgovoran je poslodavac.
- (2) Poslodavac je dužan organizirati rad na način da radnik odradi najmanje ugovoreni puni mjesečni fond radnih sati.
- (3) U slučaju preraspodjele radnog vremena, rasporeda radnog vremena u smjenama, turnusu, radno vrijeme se svodi na prosječno puno radno vrijeme na nivou mjeseca.

Član 11.

- (1) Saglasno članu 181. Zakona o zdravstvenoj zaštiti, dežurstvo je poseban oblik rada kada radnik mora biti prisutan u zdravstvenoj ustanovi nakon svog redovnog radnog vremena.
- (2) Dežurstvo počinje iza prve ili druge smjene, a završava početkom rada prve smjene.
- (3) Pripravnost je poseban oblik rada, kada radnik ne mora biti prisutan u zdravstvenoj ustanovi, ali mora biti dostupan radi obavljanja hitnih poslova za poslodavca iz svoje djelatnosti.
- (4) Rad po pozivu je poseban oblik rada kada radnik ne mora biti prisutan u zdravstvenoj ustanovi, ali se mora odazvati na poziv radi obavljanja djelatnosti, i koristi se u zdravstvenoj ustanovi kada nastane problem iz sadržaja radne djelatnosti ustanove koji prisutni radnici ne mogu riješiti niti se rješavanje problema može odgoditi.
- (5) Smjenski rad je svakodnevni rad radnika prema utvrđenom radnom vremenu poslodavca koji obavlja u smjenama tokom mjeseca.
- (6) Smjenski rad je i rad radnika koji mijenja smjene ili obavlja poslove u prvoj i drugoj smjeni tokom jednog mjeseca.
- (7) Smjenski rad je i rad radnika koji naizmjenično ili najmanje dva radna dana u sedmici obavlja rad u drugoj ili trećoj smjeni.
- (8) Rad u turnusu smatra se rad radnika prema utvrđenom rasporedu radnog vremena poslodavca koji radnik naizmjenično obavlja tokom sedmice ili mjeseca po 12 sati u ciklusima 12-24-12-48.
- (9) Noćni rad je rad radnika od 22 sata uvečer do 6 sati ujutru.
- (10) Sati odrađeni prema redovnom rasporedu radnog vremena na blagdan ili neradni dan u smislu Zakona o radu i neradnim danima evidentiraju se kao redovni rad i ubrajaju u redovni mjesečni fond sati.
- (11) Prekovremeni rad smatra se svaki sat rada duže od predviđenog rada utvrđenog dnevnim rasporedom rada, kao i svaki sat duže od redovnog mjesečnog fonda radnih sati koji je uveden od strane poslodavca u skladu sa Zakonom o radu.
- (12) Redovni mjesečni fond radnih sati su sati koje radnik treba odraditi u tekućem mjesecu na bazi 37,5 satne radne sedmice.
- (13) Mjesečni fond radnih sati tvori umnožak radnih dana u tekućem mjesecu sa 7,5 sati.
- (14) Poslodavac je obavezan svakom radniku platiti prekovremeni rad. Ako radnik to želi, poslodavac može na njegov pisani zahtjev umjesto uvećanja plaće po osnovi prekovremenog rada iz stava 11. ovog člana odobriti korištenje slobodnih dana prema ostvarenim satima prekovremenog rada u omjeru 1:1,5 (1 sat prekovremenog rada = 1 sat i 30 minuta za utvrđivanje ukupnog broja sati i slobodnih dana), u skladu sa mogućnostima organizacije rada.

Član 12.

- (1) Radnik uposlen u javnim zdravstvenim ustanovama ne može napustiti radno mjesto dok ne dobije zamjenu, iako je njegovo radno vrijeme isteklo, ako bi time bilo dovedeno u pitanje osiguranje kontinuirane zdravstvene zaštite.
- (2) Napuštanje radnog mjesta iz stava (1) ovog člana predstavlja težu povredu radne obaveze.

Član 13.

- (1) Na poslovima na kojima uz primjenu mjera zaštite na radu nije moguće zaštititi radnike od štetnih uticaja, radno vrijeme se skraćuje srazmjerno štetnom uticaju uvjeta rada na zdravlje i radnu sposobnost radnika na način i pod uvjetima utvrđenim članom 37. Zakona o radu, propisa o zaštiti na radu, drugim zakonima, kao i propisima donijetim na osnovu ovih zakona.

- (2) Poslovi iz stava 1. ovog člana i trajanje radnog vremena utvrđuju se pravilnikom o sigurnosti zdravlju na radu u skladu sa zakonima i drugim propisima koji regulišu ovu oblast.
- (3) Radnici koji rade na radnim mjestima sa skraćenim radnim vremenom izjednačeni su sa pravima i obavezama sa radnicima sa punim radnim vremenom.
- (4) Poslodavci su dužni da u roku od 90 dana provedu postupak skraćivanja radnog vremena iz stava (1) ovog člana.

III ODMORI I ODSUSTVA

a) Odmori

Član 14.

- (1) Radnik koji radi duže od šest sati dnevno, ima pravo na odmor u toku radnog dana u trajanju od najmanje 30 minuta.
- (2) Vrijeme odmora iz stava (1) ovog člana ne može se odrediti u prva dva sata nakon početka radnog vremena, niti u zadnja dva sata prije završetka radnog vremena.
- (3) Izuzetno od stava (1) ovog člana, radnici koji rade u turnusu imaju pravo na odmor u toku radnog vremena u trajanju od najmanje 45 minuta.
- (4) Poslodavac je dužan radniku, na njegov zahtjev, omogućiti odmor iz stava (1) ovog člana u trajanju od jednog sata za jedan dan u toku radne sedmice.
- (5) Vrijeme odmora iz stava (1), (3) i (4) ovog člana ne uračunava se u radno vrijeme.
- (6) Način i vrijeme korištenja odmora iz stava (1), (3) i (4) ovog člana uređuje se pravilnikom o radu i ugovorom o radu.

Član 15.

Između dva uzastopna radna dana radnik ima pravo na dnevni odmor u trajanju od najmanje 12 sati neprekidno.

Član 16.

- (1) Radnik ima pravo na sedmični odmor u skladu sa članom 46. Zakona o radu.
- (2) Dani sedmičnog odmora, u pravilu, su subota i nedjelja.
- (3) Ako radnik radi na dan sedmičnog odmora, osigurava mu se korištenje odrađenog radnog dana u periodu određenom prema dogovoru poslodavca i radnika, a koji ne može biti duži od dvije sedmice i ostvaruje pravo na povećanu plaću u skladu s članom 37. ovog Ugovora.

Član 17.

Radnik za svaku kalendarsku godinu ima pravo na plaćeni godišnji odmor u trajanju od najmanje 20 radnih dana.

Član 18.

- (1) Pravo na godišnji odmor u trajanju dužem od 20 radnih dana imaju radnici prema utvrđenim kriterijima kako slijedi:
 - a) prema dužini radnog staža,
 - b) prema složenosti poslova,
 - c) prema socijalnim uvjetima,
 - d) prema uslovima rada.

- (2) Ukupno trajanje plaćenog godišnjeg odmora ne može iznositi više od 30 dana.
- (3) Izuzetno, korištenje godišnjeg odmora u trajanju dužem od 30 dana može se utvrditi pravilnikom o radu za radnike koji rade u posebnim uslovima rada.
- (4) Kriteriji i trajanje godišnjeg odmora utvrđuju se pravilnikom o radu.

Član 19.

U trajanje godišnjeg odmora ne uračunava se vrijeme privremene spriječenosti za rad, vrijeme praznika u koje se ne radi, kao i drugo vrijeme odsustvovanja sa rada koje se radniku priznaje u staž osiguranja.

Član 20.

- (1) Plan korištenja godišnjeg odmora utvrđuje poslodavac, uz prethodnu konsultaciju sa radnicima ili njihovim predstavnicima u skladu sa zakonom, uzimajući u obzir potrebe posla, kao i opravdane razloge radnika.
- (2) Poslodavac je dužan pisanom odlukom obavijestiti radnika o trajanju godišnjeg odmora i periodu njegovog korištenja najmanje sedam dana prije korištenja godišnjeg odmora.
- (3) Radnik za vrijeme korištenja godišnjeg odmora ima pravo na naknadu plaće kao da je radio u tom periodu.
- (4) U slučaju prestanka ugovora o radu, poslodavac je dužan radniku koji nije iskoristio cijeli ili dio godišnjeg odmora isplatiti naknadu umjesto korištenja godišnjeg odmora, u iznosu koji bi primio da je koristio cijeli, odnosno preostali dio godišnjeg odmora, ako godišnji odmor ili njegov dio nije iskoristio krivicom poslodavca.

Član 21.

- (1) Radniku se može promijeniti, odnosno prekinuti korištenje godišnjeg odmora samo radi izvršenja posebno važnih i neodgodivih službenih poslova na osnovu odluke poslodavca.
- (2) Radniku kojem je promijenjeno ili prekinuto korištenje godišnjeg odmora mora se omogućiti naknadno korištenje, odnosno nastavljnje započetog godišnjeg odmora.
- (3) Radnik ima pravo na naknadu stvarnih troškova prouzročenih odgodom, odnosno prekidom korištenja godišnjeg odmora, samo u slučaju ako je do prekida godišnjeg odmora došlo na zahtjev poslodavca.
- (4) Troškovima iz stava (3) ovog člana smatraju se putni i drugi troškovi koji su nastali usljed prekida korištenja godišnjeg odmora do kojeg je došlo na zahtjev poslodavca, a u skladu sa pravilnikom o radu.
- (5) Putnim troškovima smatraju se stvarni troškovi prevoza koji je radnik koristio u polasku i povratku iz mjesta rada do mjesta u kojem je koristio godišnji odmor u trenutku prekida.
- (6) Drugim troškovima smatraju se ostali izdaci koje je radnik imao zbog odgode, odnosno prekida godišnjeg odmora što dokazuje odgovarajućom dokumentacijom.

Član 22.

Radnik koji odlazi u penziju ima pravo na godišnji odmor za tu godinu, u skladu sa pravilnikom o radu.

b) Odsustva

Član 23.

- (1) Tokom kalendarske godine radnik ima pravo na plaćeno odsustvo u trajanju ukupno do sedam radnih dana.

- (2) Radnik ima pravo na plaćeno odsustvo u slučajevima predviđenim članom 53. Zakona o radu i pravilnikom o radu u sljedećim slučajevima:
- sklapanja braka,
 - teže bolesti člana uže porodice, odnosno domaćinstva,
 - za smrtni slučaj člana uže porodice, odnosno domaćinstva,
 - porođaja supruge,
 - smrti roditelja bračnog odnosno vanbračnog partnera,
 - sklapanja braka djeteta i
 - selidbe.
- (3) U slučaju dobrovoljnog davanja krvi radnik ostvaruje pravo na plaćeno odsustvo sukladno sa članom 53. stav (4) Zakona o radu.
- (4) Članom uže porodice, u smislu stava (2) ovog člana, smatraju se: bračni odnosno vanbračni partner, dijete (bračno, vanbračno, usvojeno, pastorče i dijete bez roditelja uzeto na izdržavanje), otac, majka, očuh, maćeha, usvojilac, dedo i nana (po ocu i majci), braća i sestre.
- (5) Poslodavac je dužan omogućiti radniku odsustvo do četiri radna dana u jednoj kalendarskoj godini, radi zadovoljavanja njegovih vjerskih odnosno tradicijskih potreba, s tim da se odsustvo od dva dana koristi uz naknadu plaće - plaćeno odsustvo.
- (6) Radnik ima pravo na plaćeno odsustvo i u drugim slučajevima i za vrijeme utvrđeno propisom Kantona i pravilnikom o radu.

Član 24.

- (1) Radnik ima pravo na plaćeno odsustvo po osnovu učešća na seminarima, kursovima i sličnim oblicima edukacije na koju je radnik upućen od poslodavca za potrebe poslodavca, što će se propisati pravilnikom o radu.
- (2) U plaćeno odsustvo iz člana 23. ovog Ugovora ne ulazi plaćeno odsustvo iz stava (1) ovog člana.

Član 25.

- (1) Radniku se na njegov pisani zahtjev može odobriti plaćeno odsustvo i u sljedećim slučajevima:
- polaganje specijalističkog ispita - 15 dana,
 - polaganje stručnog ispita - 7 dana,
 - polaganje ispita iz uže specijalizacije - 10 dana,
 - izradu doktorske disertacije ili magistarskog rada -10 dana,
 - obavezno kontinuirano usavršavanje radi sticanja ili obnove odobrenja za samostalni rad - 7 dana.
- (2) Radniku se na njegov pisani zahtjev može odobriti neplaćeno odsustvo u toku kalendarske godine u trajanju do 30 dana u sljedećim slučajevima:
- gradnju ili popravku kuće ili stana i
 - negu člana porodice.
- (3) Radniku se na njegov pisani zahtjev može odobriti neplaćeno odsustvo do godinu dana.

- (4) Pravilnikom o radu mogu se utvrditi i drugi slučajevi za koje se može odobriti neplaćeno odsustvo do godinu dana, na lični zahtjev radnika.
- (5) Za vrijeme neplaćenog odsustva, prava i obaveze radnika koja se stiču na radu i po osnovu rada miruju.

IV TROŠKOVI EDUKACIJE

Član 26.

- (1) Poslodavac osigurava sredstva za edukaciju radnika na temelju plana stručnog usavršavanja.
- (2) Za potrebe edukacije u inozemstvu zbog obaveznog kontinuiranog usavršavanja radi sticanja ili obnove odobrenja za samostalni rad, uz ispunjenje uslova iz stava (1) ovog člana, radniku će se osigurati plaćeni dopust, kotizacija, putni troškovi i troškovi smještaja.
- (3) Ukoliko poslodavac nije u mogućnosti da osigura pokriće troškova iz stava (2) ovog člana, radnik ima pravo odbiti odlazak na stručno usavršavanje.

V PLAĆE I NAKNADE

Član 27.

- (1) Poslodavac je obavezan radniku s kojim je zaključio ugovor o radu obezbijediti i dati posao i za obavljeni rad isplatiti plaću.
- (2) Poslodavac utvrđuje mjesto i način obavljanja rada poštujući pri tome prava i dostojanstvo radnika, a radnik je obavezan prema uputama poslodavca datim u skladu sa prirodom i vrstom rada lično obavljati preuzeti posao, te poštivati organizaciju rada i poslovanja kod poslodavca, kao i zakone i opće akte poslodavca.
- (3) Radnik ima pravo na pravičnu plaću, uvjete rada koji obezbjeđuju sigurnost i zaštitu života i zdravlja na radu, te druga prava u skladu sa zakonom, kolektivnim ugovorom, pravilnikom o radu i ugovorom o radu.

Član 28.

Za obavljeni rad radniku pripada plaća, te ostala primanja u skladu sa zakonom, ovim Ugovorom i drugim propisima koji uređuju ovu oblast u Federaciji BiH.

Član 29.

Plaće radnika i ostala lična primanja u smislu ovog Ugovora isplaćuju se radnicima iz sredstava, koja se u skladu sa zakonom u vršenju djelatnosti ostvaruje zdravstvena ustanova.

Član 30.

- (1) Plaća za obavljeni rad i vrijeme provedeno na radu sastoji se od osnovne plaće, dijela plaće za radni učinak i uvećane plaće u skladu sa članom 76. Zakona o radu.
- (2) Osnovna plaća je novčani iznos koji je poslodavac dužan isplatiti radniku za rad sa punim radnim vremenom i normalnim uvjetima rada za odgovarajući posao u skladu sa posebnim zakonom, kolektivnim ugovorom, pojedinačnim kolektivnim ugovorom i pravilnikom o radu.
- (3) Osnovna plaća predstavlja umnožak najniže neto satnice, mjesečnog fonda sati i odgovarajućeg koeficijenta složenosti u koji su razvrstani poslovi radnika u pravilniku o radu.
- (4) Najniža neto satnica iznosi 2,60 KM počev od 01.01.2021. godine do 31.12.2021. godine.

Član 31.

(1) Pojedinačni poslovi, odnosno zanimanja razvrstavaju se u grupe složenosti sa koeficijentima složenosti kako slijedi:

Zanimanje I grupe - koeficijent složenosti	1,20
Manje složeni poslovi, odnosno zanimanja za koje je potrebna osnovna škola	
Zanimanje II grupe - koeficijent složenosti	1,64
Srednje složeni poslovi, odnosno zanimanja za koja je potrebna stručna sprema predviđena programom za III stepen obrazovanja odnosno KV radnici.	
Zanimanje III grupe - koeficijent složenosti	2,08
Složena zanimanja, odnosno poslovi za koje je potrebna srednja stručna sprema (u četverogodišnjem trajanju), a obavljaju ih radnici nezdravstvenog usmjerenja.	
Zanimanje IV grupe - koeficijent složenosti	2,30
Složeni poslovi, odnosno zanimanja za koje je potrebna VKV.	
Zanimanje V grupe - koeficijent složenosti	2,30
Složeni poslovi, odnosno zanimanja za koja je potrebna srednja stručna sprema zdravstvenog usmjerenja.	
Zanimanja VI grupe - koeficijent složenosti	2,63
Složeni poslovi, odnosno zanimanja za koja je potrebna viša školska sprema VI stepen ili VSS prvi ciklus nezdravstvenog usmjerenja.	
Zanimanje VII grupe - koeficijent složenosti	2,85
Zanimanje, odnosno poslovi za koje je potrebna viša školska sprema VI stepen ili VSS prvi ciklus zdravstvenog usmjerenja.	
Zanimanja VIII grupe - koeficijent složenosti	3,50
Zanimanja, odnosno poslovi za koja je predviđena visoka stručna sprema VII stepen ili VSS drugi ciklus nezdravstvenog usmjerenja.	
Zanimanja IX grupe - koeficijent složenosti	3,50
Zanimanja odnosno poslovi za koja je predviđena visoka stručna sprema VII stepen ili VSS drugi ciklus zdravstvenog smjera.	
Zanimanje X grupe - koeficijent složenosti	3,83
Zanimanja odnosno poslovi za koja je potrebna visoka stručna sprema (doktor medicine, doktor stomatologije i magistar farmacije)	
Zanimanje XI grupe - koeficijent složenosti	4,05
Složeni i vrlo složeni poslovi za koje je potrebna visoka stručna sprema VII stepen ili VSS drugi ciklus nezdravstvenog usmjerenja i specijalizacija.	
Zanimanja XII grupe - koeficijent složenosti	4,60
Složeni i vrlo složeni poslovi za koje je potrebna visoka stručna sprema (doktor medicine, doktor stomatologije i magistar farmacije) i specijalizacija.	
Zanimanje XIII grupe - koeficijent složenosti	4,82
Složeni i vrlo složeni poslovi za koje je potrebna visoka stručna sprema (doktor medicine, doktor stomatologije i magistar farmacije) i subspecijalizacija.	

- (2) Pravilnikom o radu zdravstvene ustanove mogu se detaljnije razraditi grupe složenosti poslova, s tim da se tom razradom ne mogu utvrditi nepovoljniji uslovi, koeficijenti, za pojedine grupe utvrđene ovim Ugovorom.

Član 32.

- (1) Radnik ima pravo na povećanu plaću za otežane uvjete rada, prekovremeni rad i noćni rad, te za rad na dan sedmičnog odmora, praznika ili nekog drugog dana za koji je zakonom određeno da se ne radi, u skladu sa kolektivnim ugovorom, pravilnikom o radu i ugovorom o radu.
- (2) Naknada za radni učinak do 8% osnovne plaće radnika se može obračunavati nakon što se pravilnikom o radu ustanove, u konsultaciji sa Sindikatom, utvrde mjerljivi normativi radnog učinka.

Član 33.

Osnovna plaća radnika povećava se za svaku godinu radnog staža za 0,5%, s tim da ukupno povećanje ne može biti veće od 20%.

Član 34.

- (1) Poslodavac može u pravilniku o radu odrediti povećanje osnovne plaće za: naučni stepen doktora nauka, naučni stepen magistra nauka, naziv primarius, kao i bliže kriterije za korištenje ovog prava.
- (2) Povećanje iz stava (1) ovog člana iznosi kako slijedi:
- naučni stepen doktora nauka - 10%,
 - naučni stepen magistra nauka - 5%,
 - stečeni naziv primarius - 5%, pri čemu se dodaci iz stava (1) i (2) međusobno isključuju.
- (3) Uvećanje za položajni dodatak, na koje ostvaruju pravo rukovodni radnici koji obavljaju poslove rukovodioca pored svojih redovnih stručnih poslova, može se utvrditi u iznosu od 5 - 20% prema koeficijentu složenosti, a saglasno pravilniku o radu.

Član 35.

- (1) Naknada za dežurstvo je ugovorena naknada koja se utvrđuje tako da:
- a) radnim danom iznosi 9% od osnovne plaće radnika, a obračunava se na sljedeći način:
- prvih osam sati rada obračunava se kao redovan rad,
 - drugih osam sati rada obračunava se kao redovan rad jer radnik odrađuje sljedeći dan,
 - trećih osam sati dežurstva obračunava se u visini od 9% od osnovne plaće radnika,
- b) radnim danom pred neradni dan, subotom i nedjeljom, naknada za dežurstvo iznosi od 13,5% od osnovne plaće radnika, a obračunava se na sljedeći način:
- prvih osam sati rada obračunava se kao redovan rad,
 - drugih šesnaest sati rada obračunava se u visini od 13,5% od osnovne plaće radnika,
- c) praznikom se naknada za dežurstvo obračunava u visini od 18% od osnovne plaće radnika:
- prvih osam sati rada obračunava se kao redovan rad,
 - drugih šesnaest sati rada obračunava se u visini od 18% od osnovne plaće radnika.

- (2) Nakon odrađenog dežurstva subotom, nedjeljom i praznikom, radnik ima pravo na jedan slobodan dan. Ovo pravo isključuje pravo iz člana 16. stav (3) ovog Ugovora.
- (3) Odredbe o dežurstvu odnose se i na radnike koji su upućeni na specijalizaciju ili subspecijalizaciju u drugu zdravstvenu ustanovu. Naknadu za dežurstvo isplaćuje zdravstvena ustanova u koju je radnik upućen.

Član 36.

- (1) Naknada za pripravnost obračunava se od naknade za dežurstvo, zavisno o tome u koji dan pada pripravnost i to u iznosu 30%.
- (2) Pripravnost radnim danom traje 16 sati, a subotom, nedjeljom i praznikom 24 sata.
- (3) Rad u vrijeme pripravnosti smatra se prekovremenim radom i plaća se kao prekovremeni rad.
- (4) Rad po pozivu smatra se prekovremenim radom i plaća se kao prekovremeni rad. U rad po pozivu, koji se računa kao prekovremeni rad, uključeno je i vrijeme potrebno za dolazak na posao i povratak kući.

Član 37.

- (1) Osnovna plaća radnika uvećava se za:
 - a) prekovremeni rad najmanje 25% od neto satnice,
 - b) noćni rad najmanje 50% od neto satnice,
 - c) rad na dan sedmičnog odmora najmanje 15% od neto satnice,
 - d) rad u dane praznika koji su po zakonu neradni najmanje 40% neto satnice.
- (2) Naknade iz stava (1) ovog člana se međusobno ne isključuju, osim naknada iz tačke c) i d).

Član 38.

- (1) Poslodavac će radniku na radnom mjestu sa posebnim uslovima rada uvećati plaću rukovodeći se stepenom nepovoljnog uticaja faktora radnog mjesta na zdravlje i radnu sposobnost radnika, saglasno odredbama zakona koje reguliraju sigurnost na radu i pravilnikom o radu.
- (2) Saglasno stavu (1) ovog člana osnovna plaća radnika uvećava se prema uvjetima rada kako slijedi:
 - a) radnicima koji rade sa ionizirajućim zračenjima, odjeljenjima za karantenske bolesti i odjeljenjima koji se bave liječenjem pacijenata oboljelih od HIV/AIDS – do 11%,
 - b) radnicima koji rade na odjelima hirurških disciplina, jedinicama intenzivne njege, odjeljenjima invazivne kardiološke dijagnostike i terapije, psihijatrijskim odjelima, odjelima urgentne medicine i hitnoj medicinskoj pomoći - do 8%,
 - c) radnicima na bolničkim odjelima - do 6%,
 - d) radnicima koji rade u mikrobiološkim citološkim biohemijsko-hematološkim, bromatološkim, patološkim, protetskim i imunološkim laboratorijama, na infektivnim odjeljenjima, u higijensko-epidemiološkoj službi, hirurškim salama, ginekologiji i akušerstvu, na odjelima pedijatrije i odjelima za nedonošćad, maksilofacijalnoj i oralnoj hirurgiji koji rade na svim nivoima zdravstvene djelatnosti, stomatolozima, transfuziološkoj službi, hemodijalizi, sterilizaciji, palijativnoj njezi, endoskopiji, patronažnoj službi, u centrima za mentalno zdravlje, centrima za liječenje ovisnosti, u prosekturi, odjeljenjima koji se bave liječenjem i dijagnostikom aktivne tuberkuloze, ATD-u, na neurološkim odjeljenjima u primarnoj zdravstvenoj zaštiti (mjesto prvog kontakta sa pacijentom) – porodični/obiteljski timovi) - do 5%,
 - e) drugim radnicima koji rade uz specifične otežane uvjete rada određen pravilnikom o radu.
 - f) odredbe navedene u alinejama a),b),c),d) i e) odnose se i na radnike koji su na specijalizaciji i subspecijalizaciji.

- (3) Naknade iz stava (2) ovog člana se ne isključuju, s tim da one kumulativno ne mogu preći iznos od 15%, osim ako drugačije nije određeno pravilnikom o radu i ugovorom o radu.

Član 39.

Obračun naknade za dežurstvo i pripravnost isključuje povećanje osnovne plaće za noćni rad, rad subotom, nedjeljom i praznikom.

Član 40.

- (1) Poslodavac je obavezan radniku obezbijediti topli obrok u toku radnog vremena.
- (2) Ukoliko poslodavac ne osigurava topli obrok, radniku se isplaćuje naknada u dnevnom iznosu 1,0% od prosječne neto plaće isplaćene u Federaciji BiH, prema posljednjim objavljenim podacima Federalnog zavoda za statistiku.
- (3) Dnevni iznos naknade za ishranu utvrđuje se do 31.12. tekuće godine za narednu godinu i primjenjuje se za cijelu narednu godinu.

Član 41.

- (1) Radnik ima pravo na regres za korištenje godišnjeg odmora u visini od najmanje 50% prosjeka neto plaće u Zeničko-dobojskom kantonu, pod uslovom da zdravstvena ustanova – poslodavac, nije prethodnu poslovnu godinu završila sa gubitkom.
- (2) Radnik ima pravo na naknadu troškova službenog putovanja koji se sastoje od putnih troškova, troškova smještaja i dnevnica.
- (3) Dnevnicu za službeno putovanje u zemlji i inostranstvu isplaćuje se na način propisan za organe uprave.
- (4) Troškovi smještaja obračunavaju se i isplaćuju prema plaćenom hotelskom računu, osim hotela kategorije iznad 4 zvjezdice.
- (5) Dnevnice za službeni put iz stava (2) i (3) umanjuju se najviše za 30%, ako je osigurana besplatna ishrana.

Član 42.

Radnik koji je privremeno upućen na rad van mjesta prebivališta njegove porodice ima pravo na plaćanje troškova zbog odvojenog života od porodice, u skladu sa pravilnikom o radu.

Član 43.

- (1) Naknada za rad na terenu - terenski dodatak utvrđuje se u jednakom iznosu za sve radnike ovisno od mjesta boravka na terenu (smještaj, ishrana i dr.), s tim što ne može biti manja od 75% utvrđenog iznosa dnevnice.
- (2) Pod radom na terenu iz stava (1) ovog člana podrazumijevaju se poslovi koji se po svojoj prirodi izvode na terenu van kantona u kojem je mjesto zaposlenja i u trajanju dužem od 30 dana neprekidno.

Član 44.

Dnevnicu, troškovi za odvojeni život i terenski dodatak međusobno se isključuju.

Član 45.

- (1) Plaća se isplaćuje nakon obavljenog rada, u periodima isplate koji ne mogu biti duži od 30 dana.
- (2) Plaća i naknada plaće se isplaćuje u novcu.
- (3) Prilikom isplate plaće poslodavac je dužan radniku uručiti pisani obračun plaće.
- (4) Pojedinačne isplate plaće nisu javne.

Član 46.

Na isplatu i obračun plaće, kao i naknade plaće primjenjuju se odredbe člana 79. 80. i 81. Zakona o radu.

Član 47.

- (1) Radniku se u slučaju smrti člana njegove uže porodice, na ime troškova sahrane, isplaćuje naknada u iznosu 3 prosječne neto plaće, ostvarene u Federaciji BiH prema posljednjim objavljenim podacima Federalnog zavoda za statistiku.
- (2) Članom uže porodice iz stava (1) ovog člana smatraju se: bračni drug, djeca, roditelji i unučad bez roditelja.
- (3) Ukoliko kod istog poslodavca radi dva ili više članova uže porodice koji ostvaruju pravo iz stava (1) ovog člana, ovo pravo ostvaruje samo jedan član uže porodice.
- (4) U slučaju smrti radnika, na ime troškova sahrane, članovima uže prodice isplaćuje se naknada u iznosu od 3 prosječne neto plaće, ostvarene u Federaciji BiH prema posljednjim podacima Federalnog zavoda za statistiku objavljenim za prethodnu godinu.

Član 48.

Radnik ima pravo na prevoz ili naknadu troškova prevoza na posao i sa posla u skladu sa pravilnikom o radu.

Član 49.

Poslodavac može nagraditi radnika po osnovu ostvarenih ušteda, racionalizacija i inovacija u procesu rada, a u skladu sa pravilnikom o radu i raspoloživim finansijskim sredstvima.

VI OTPREMNINA**Član 50.**

- (1) Otpremnina iz člana 111. Zakona o radu utvrđuje se pravilnikom o radu.
- (2) Način, uvjeti i rokovi isplate otpremnine iz stava (1) ovog člana, utvrđuju se pismenim ugovorom između radnika i poslodavca.
- (3) Radniku koji odlazi u penziju isplaćuje se otpremnina u visini najmanje tri (3) neto plaća ostvarene u Federaciji BiH, prema posljednjim podacima Zavoda za statistiku Federacije BiH.
- (4) Otpremnina iz stava (3) ovog člana se isplaćuje u jednokratnom iznosu.
- (5) U slučaju otkaza ugovora o radu uzrokovanog ekonomskim, tehničkim ili organizacionim razlozima kod poslodavca shodno se primjenjuju odredbe člana 96. 109. 110. i 111. Zakona o radu.

VII UVJETI ZA RAD SINDIKATA I REPREZENTATIVNOST**Član 51.**

- (1) Djelovanje sindikata poslodavac ne može ograničiti niti zabraniti.
- (2) Sindikat u ustanovi djeluje u skladu sa sindikalnim pravilima koji će se regulisati posebnim propisima o reprenzetativnosti predviđeni Zakonom o radu na nivou Zeničko-dobojskog kantona.
- (3) Sindikat kome je utvrđena reprezentativnost u skladu sa Zakonom o radu ima pravo:
 - zastupati svoje članove pred poslodavcem, organima vlasti, udruženjima poslodavaca, drugim institucijama odnosno pravnim licima,

- kolektivno pregovarati i zaključivati kolektivne ugovore,
- učestvovati u bipartitnim i tripartitnim tijelima sastavljenim od predstavnika organa vlasti, udruženja poslodavaca i sindikata i
- druga prava u skladu sa Zakonom o radu.

Član 52.

- (1) Mišljenja, prijedlozi i svi nastali nesporazumi o pravima iz rada i po osnovu rada rješavat će se direktnim pregovorima između poslodavca i Sindikata.
- (2) Sindikalnim predstavnicima koji nisu zaposleni kod poslodavca, a čiji Sindikat ima članove kod poslodavca, dozvoljen je pristup kod poslodavca kada je to potrebno za obavljanje sindikalne aktivnosti, pod uvjetom da se ne remeti provođenje radnih procesa kod tog poslodavca.
- (3) Poslodavac pravilnikom o radu bliže propisuje i osigurava uvjete za rad i djelovanje Sindikata. Poslodavac je dužan obračunavati i iz plaće radnika odbijati sindikalnu članarinu, uz pismenu saglasnost radnika, te je redovno uplaćivati na račun Sindikata.
- (4) Ako kod poslodavca nije formirano vijeće uposlenika, Sindikat ima obaveze i ovlaštenja koja se odnose na ovlaštenja vijeća uposlenika u skladu sa Zakonom o vijeću uposlenika.
- (5) Ovlašteni sindikalni predstavnik ima pravo na plaćeno odsustvo u skladu sa pravilnikom o radu i Zakonom o radu.

Član 53.

- (1) Sindikalnom povjereniku za vrijeme obavljanja njegove dužnosti i šest mjeseci nakon prestanka obavljanja te dužnosti, poslodavac, bez prethodne saglasnosti federalnog ministarstva nadležnog za rad, ne može:
 - a) otkazati ugovor o radu ili
 - b) na drugi način ga staviti u nepovoljniji položaj u odnosu na radno mjesto prije nego što je imenovan na funkciju sindikalnog povjerenika.
- (2) Sindikalnim povjerenikom u smislu stava (1) ovog člana smatra se radnik koji je ovlašteni predstavnik sindikata organiziranog kod poslodavca u skladu sa propisima o organiziranju i djelovanju sindikata.
- (3) Ukoliko nadležno ministarstvo uskrati saglasnost iz stava (1) ovog člana, poslodavac može u roku od 30 dana od dana dostave takve odluke zatražiti da saglasnost zamijeni sudska odluka.

Član 54.

- (1) Radniku izabranom na profesionalnu funkciju u sindikatu, prava i obaveze iz radnog odnosa, na njegov zahtjev, miruju, a najduže četiri godine od dana izbora odnosno imenovanja.
- (2) Radnik koji nakon završenog mandata iz stava (1) ovog člana želi da se vrati kod istog poslodavca, dužan ga je o tome obavijestiti u roku od 30 dana prije prestanka mandata, a poslodavac je dužan primiti radnika na rad u roku od 30 dana od dana obavijesti radnika.
- (3) Radnika, koji je obavijestio poslodavca u smislu stava (2) ovog člana, poslodavac je dužan rasporediti na poslove na kojima je radio prije stupanja na dužnost ili na druge odgovarajuće poslove, osim ako je prestala potreba za obavljanjem tih poslova zbog ekonomskih, tehničkih ili organizacijskih razloga u smislu člana 96. Zakona o radu.
- (4) Ako poslodavac ne može vratiti radnika na rad, zbog prestanka potrebe za obavljanjem poslova u smislu stava (3) ovog člana, dužan mu je isplatiti otpremninu utvrđenu u članu 111. Zakona o radu, s tim da se prosječna plaća dovede na nivo plaće koju bi radnik ostvario da je radio.

VIII MIRNO RJEŠAVANJE KOLEKTIVNIH RADNIH SPOROVA**Član 55.**

U slučaju spora o zaključivanju, primjeni, izmjeni ili dopuni, odnosno otkazivanju ovog Ugovora ili drugog sličnog spora vezanog za primjenu ovog Ugovora odnosno provođenju arbitraže primjenjuju se odredbe Zakona o radu.

IX ŠTRAJK**Član 56.**

- (1) Za vrijeme važenja ovoga Ugovora Sindikati neće pozivati na štrajk radi pitanja koja su ovim Ugovorom uređena i ukoliko se prava i obaveze primjenjuju u cjelosti ili ukoliko nije drugačije dogovoreno i potpisano između sindikata i poslodavca.
- (2) Suzdržavanje od štrajka iz stava (1) ovoga člana ne isključuje pravo na štrajk za sva druga neriješena pitanja u skladu sa Zakonom o štrajku i Zakonom o radu.
- (3) Sindikati imaju pravo organizirati štrajk upozorenja, kao znak solidarnosti prema drugim sindikatima, u skladu sa Zakonom o štrajku.

Član 57.

- (1) Pri organiziranju i poduzimanju štrajka Sindikat mora voditi računa o ostvarivanju Ustavom garantiranih sloboda i prava drugih.
- (2) Štrajkom se ne smiju ugroziti pravo na život, lična sigurnost, hitna medicinska pomoć, te provođenje zdravstvene zaštite za potrebe pacijenata na način predviđen u članu 58. i 59. ovog Ugovora.

Član 58.

Štrajk se priprema, organizira i provodi u skladu sa Zakonom o štrajku, Zakonom o zdravstvenoj zaštiti, Zakonom o radu i Pravilima Sindikata o štrajku.

Član 59.

- (1) Štrajk se odvija na radnim mjestima i traje do ispunjenja postavljenih zahtjeva.
- (2) Svi učesnici u štrajku su dužni svakodnevno dolaziti na svoja radna mjesta, izvršiti pripreme za početak rada i čekati upute štrajkačkog odbora.
- (3) Učesnici u štrajku obavljaju poslove koji ne trpe odlaganje, odnosno one poslove čije bi neizvršenje prouzrokovalo nenadoknadive štetne posljedice.
- (4) Štrajk u zdravstvenim ustanovama hitne medicinske pomoći, službama hitne medicinske pomoći zdravstvenih ustanova, zdravstvenim ustanovama koje obavljaju transfuzijsku djelatnost, kao i zavodima za javno zdravstvo nije dopušten, a u smislu člana 190. Zakona o zdravstvenoj zaštiti, kao i u transplantacijskoj djelatnosti.
- (5) U zdravstvenim ustanovama primarne zdravstvene zaštite za vrijeme trajanja štrajka mora se osigurati prijem i obrada hitnih slučajeva kod kojih su ugrožene osnovne životne funkcije.
- (6) U bolničkim zdravstvenim ustanovama za vrijeme trajanja štrajka mora se osigurati kontinuirana zdravstvena zaštita bolesnika na odjelima sa svim pratećim djelatnostima, kao i prijem svih bolesnika čiji je život u opasnosti sa osiguranjem kompletnih hirurških i drugih specijalističkih intervencija.
- (7) Radnik ne može biti stavljen u nepovoljniji položaj po bilo kom osnovu od drugih radnika zbog organizovanja ili sudjelovanja u štrajku.

X PRELAZNE I ZAVRŠNE ODREDBE**Član 60.**

- (1) Poslodavci i radnici u javnim zdravstvenim ustanovama obavezni su pridržavati se odredbi ovog Ugovora i u skladu s njim usaglasiti pravilnike o radu u roku od 30 dana od dana stupanja na snagu ovog ugovora, te zaključiti ugovore o radu sa radnicima.
- (2) Poslodavac koji zapošljava više od 30 radnika donosi i objavljuje pravilnik o radu, kojim se uređuju plaće, organizacija rada, sistematizacija radnih mjesta, posebni uvjeti za zasnivanje radnog odnosa i druga pitanja značajna za radnika i poslodavca, u skladu sa Zakonom o radu.
- (3) O donošenju pravilnika o radu poslodavac se obavezno konsultira sa sindikatom odnosno vijećem zaposlenika ukoliko su formirani.
- (4) Pravilnik iz stava (1) ovog člana objavljuje se na oglasnoj tabli poslodavca.
- (5) Sindikat odnosno vijeće zaposlenika može od nadležnog suda zatražiti da nezakonit pravilnik o radu ili neke njegove odredbe oglasi nevažećim.

XI TUMAČENJE UGOVORA**Član 61.**

- (1) Ugovorne strane osnivaju zajedničku komisiju za tumačenje ovoga Ugovora u koje svaka imenuje po tri predstavnika i njihove zamjenike, najkasnije u roku od 90 dana od dana stupanja na snagu ovoga Ugovora.
- (2) Sjedište komisije je u sjedištu Ministarstva zdravstva Zeničko-dobojskog kantona.
- (3) Komisija za tumačenje ovoga ugovora:
 - a) daje obavezujuća tumačenja odredbi ovoga Ugovora i o njima obavještava obje ugovorne strane,
 - b) prati izvršavanje ovoga Ugovora,
 - c) izvještava obje ugovorne strane o kršenju ovoga Ugovora.

Član 62.

- (1) Komisija donosi svoje odluke većinom glasova svih članova.
- (2) Komisija donosi poslovnik o radu na koji se daje prethodna saglasnost kantonalnog ministra zdravstva.
- (3) Tumačenja Komisije obavezna su i dostavljaju se podnosiocu upita, te svim pravnim osobama na koje se odnose, a imaju pravnu snagu i učinke kolektivnog ugovora od dana stupanja na snagu ovoga Ugovora.

Član 63.

- (1) Na zahtjev jedne od ugovornih strana ili pravne osobe, Komisija za tumačenje obavezna je dati tumačenje ovoga ugovora u roku 30 dana od dana prijema zahtjeva.
- (2) U slučaju da Komisija zatraži dopunu zahtjeva ili dopunu podataka odnosno objašnjenje, rok iz stava (1) ovog člana prestaje teći od dana zatražene dopune.
- (3) Prekid roka u slučaju iz stava (2) ovog člana traje do ispunjenja zahtjeva Komisije.

XII IZMJENE, DOPUNE I OTKAZ UGOVORA**Član 64.**

- (1) Svaka ugovorna strana može predložiti izmjene i dopune ovoga Ugovora, saglasno članu 144. Zakona o radu.
- (2) Ugovorne strane se obavezuju da će ukoliko u toku trajanja ovog Ugovora stupi na snagu novi Zakon o doprinosima, pokrenuti postupak izmjena i dopuna ovog Ugovora.
- (3) U ime Sindikata prijedlog izmjena i dopuna ovoga Ugovora može podnijeti Upravni odbor Nezavisnog strukovnog sindikata radnika zaposlenih u zdravstvu u Federaciji Bosne i Hercegovine, Kantonalna organizacija Zeničko-dobojskog kantona.
- (4) Ugovorna strana kojoj je podnesen prijedlog za izmjenu i dopunu ovoga Ugovora mora se pisano očitovati u roku 30 dana od dana prijema prijedloga, te mora pristupiti pregovorima o predloženoj izmjeni ili dopuni u roku 30 dana od dana očitovanja o prijedlogu.
- (5) U protivnom stekli su se uvjeti za primjenu postupka mirenja u skladu sa Zakonom o radu.

Član 65.

Ugovorne strane mogu sporazumno otkazati ovaj ugovor saglasno članu 147. Zakona o radu.

Član 66.

- (1) Ovaj Ugovor može se otkazati u slučaju bitno promijenjenih finansijskih okolnosti u skladu sa članom 64. ovog Ugovora.
- (2) Prije otkazivanja Ugovora, strana koja predlaže otkaz Ugovora, obavezna je drugoj strani predložiti izmjene i dopune Ugovora.

Član 67.

- (1) Ovaj Ugovor se zaključuje na određeno vrijeme u trajanju od 12 mjeseci.
- (2) Ovaj Ugovor se smatra zaključenim kada ga u istovjetnom tekstu prihvate i potpišu ovašteni predstavnik Nezavisnog strukovnog sindikata radnika zaposlenih u zdravstvu u Federaciji Bosne i Hercegovine, Kantonalna organizacija Zeničko-dobojskog kantona i ministar zdravstva uz prethodnu saglasnost Vlade Zeničko-dobojskog kantona.

Član 68.

Ovaj Ugovor stupa na snagu danom potpisivanja i biti će objavljen u "Službenim novinama Zeničko-dobojskog kantona".

POTPISNICI:

1. Ministar zdravstva Zeničko-dobojskog kantona, s.r

dr Adnan JupiĆ

2. Predsjednik Nezavisnog strukovnog sindikata radnika zaposlenih u zdravstvu u Federaciji Bosne i Hercegovine, Kantonalni odbor Zeničko-dobojskog kantona, s.r.

Zaim Begić

Broj: 11-34-13053-12/19

Datum potpisivanja Kolektivnog ugovora: 29.12.2020. godine

.....

6.

Na osnovu člana 16. stav 2. Zakona o Vladi Zeničko-dobojskog kanton - Prečišćeni tekst („Službene novine Zeničko-dobojskog kantona”, broj: 7/10), a u skladu sa Programom utroška sredstava planiranih u Budžetu Zeničko-dobojskog kantona za 2020. godinu na poziciji „Kapitalni transferi drugim nivoima vlasti – za zdravstvo“, broj: 02-11-19936/20 od 28.12.2020. godine, na prijedlog Ministarstva zdravstva, Vlada Zeničko-dobojskog kantona, na 90. sjednici, održanoj dana 28.12.2020. godine, donosi

O D L U K U

o odobravanju sredstava za pokriće troškova nabavke endoskopske linije za potrebe JU Kantonalna bolnica Zenica

Član 1. (Predmet)

- (1) Odobravaju se sredstva JU Kantonalna bolnica Zenica za pokriće troškova nabavke endoskopske linije u ukupnom iznosu 112.956,83 KM (slovima: stodvanaesthiljadadevetstotinašestdeset i 83/100 konvertibilnih maraka).
- (2) Odobrena sredstva se odnose na realizaciju deset jednakih mjesečnih rata po osnovu Ugovora, broj: 20/1-10103 od 21.10.2019. godine, koji je JU Kantonalna bolnica Zenica zaključila sa „Alfa-Med“ d.o.o. Tomislavgrad.

Član 2. (Analitička konta)

- (1) Sredstva iz člana 1. ove odluke isplatit će se iz Budžeta Zeničko-dobojskog kantona za 2020. godinu („Službene novine Zeničko-dobojskog kantona”, broj: 24/19 i 7/20), sa razdjela 21 -Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo”.
- (2) Sredstva odobrena Odlukom će se transferisati na račun JU Kantonalna bolnica Zenica broj:134-010-00000138-94 otvoren kod ASA banke, na osnovu ove odluke i Ugovora o nabavci.

Član 3. (Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija Zeničko-dobojskog kantona i JU Kantonalna bolnica Zenica, svako u okviru svoje nadležnosti.

Član 4.

(Izvrštavanje)

JU Kantonalna bolnica Zenica je dužna izvijestiti Ministarstvo zdravstva o namjenskom utrošku sredstava, dostavljanjem dokaza o uplati sredstava dobavljaču.

Član 5.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona”.

Broj: 02-11-19996/20

Datum: 28.12.2020. godine

Zenica

P R E M I J E R

po Odluci predsjedavajućeg Skupštine

Mirnes Bašić, s.r.

7.

Na osnovu člana 16. stav 2. Zakona o Vladi Zeničko-dobojskog kanton - Prečišćeni tekst („Službene novine Zeničko-dobojskog kantona”, broj: 7/10), a u skladu sa Programom utroška sredstava planiranih u Budžetu Zeničko-dobojskog kantona za 2020. godinu, na poziciji „Kapitalni transferi drugim nivoima vlasti – za zdravstvo“, broj: 02-11-6340/20 od 08.05.2020. godine, na prijedlog Ministarstva zdravstva, Vlada Zeničko-dobojskog kantona, na 90. sjednici, održanoj dana 28.12.2020. godine, donosi

O D L U K U

o odobravanju sredstava za građevinsko-zanatske radove u JU Kantonalna bolnica Zenica

Član 1. (Predmet)

- (1) Odobravaju se sredstva JU Kantonalna bolnica Zenica za građevinsko-zanatske radove u ukupnom iznosu 58.396,74 KM (slovima: pedestostamhiljadatristotine devedeset i 74/100 konvertibilnih maraka).
- (2) Odobrena sredstva se odnose na realizaciju sljedećih ugovora:

Redni broj	Dobavljač	Svrha	Ugovor	Iznos
1.	„Ganik I.D.A“ d.o.o. Vitez	Rekonstrukcija sanitarnog čvora uz formiranje izolacije u Odjelu za infektivne bolesti	20/1-11788/19 od 02.12.2019. godine	16.642,36
2.	„Sigma SK“ d.o.o. Zenica	Izgradnja vanjskog trotoara sa stazom	33-04-1905-6/20 od 22.04.2020. godine	1.389,96
3.	„Žalyzine Style“ d.o.o. Zenica	Nabavka i ugradnja aluminijskih pozicija u Odjelu za infektivne bolesti	33-11-3862/20 od 14.07.2020. godine	16.382,34
4.	„Dema&S Export import“ d.o.o. Sarajevo	Iskop knala i polaganje napojnog kabla	33-02-04-340-6/20 od 17.07.2020. godine	6.435,00
5.	„Tecta d.o.o. Travnik	Rekonstrukcija dijela vanjske kanalizacione cijevi	33-02-04-383-6/20 od 16.08.2020. godine	1.813,50
6.	„Termomatik - Toplotehnika“ d.o.o. Zenica	Oziđivanje kotlovskih postrojenja	33-02-5361/20 od 01.10.2020. godine	13.631,67
7.	„Inter Com“ d.o.o. Zenica	Sanacija vodovodne mreže	33-02-04-556-6/20 od 10.11.2020. godine	2.101,91
Ukupno				58.396,74

Član 2. (Analitička konta)

- (1) Sredstva iz člana 1. ove odluke isplatit će se iz Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), sa razdjela 21-Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti- za zdravstvo“.
- (2) Sredstva odobrena ovom odlukom će se transferisati na račun JU Kantonalna bolnica Zenica, broj: 134-010-00000138-94 otvoren kod ASA banke, na osnovu ove odluke, ugovora o nabavci faktura.

Član 3. (Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija i JU Kantonalna bolnica Zenica, svako u okviru svoje nadležnosti.

Član 4. (Izvršavanje)

JU Kantonalna bolnica Zenica je dužna izvijestiti Ministarstvo zdravstva o namjenskom utrošku sredstava, dostavljanjem dokaza o uplati sredstava dobavljaču.

Član 5. (Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-19992/20
Datum: 28.12.2020. godine
Zenica

P R E M I J E R
po Odluci predsjedavajućeg Skupštine

Mirnes Bašić, s.r.

8.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa Programom utroška sredstava planiranih u Budžetu Zeničko-dobojskog kantona za 2020. godinu, na poziciji „Kapitalni transferi drugim nivoima vlasti – za zdravstvo“, broj: 02-11-6340/20 od 08.05.2020. godine, na prijedlog Ministarstva zdravstva, Vlada Zeničko-dobojskog kantona, na 90. sjednici, održanoj dana 28.12.2020. godine, donosi

ODLUKU

o odobravanju sredstava za pokriće troškova nabavke rezervnih dijelova za medicinsku i nemedicinsku opremu za potrebe JU Kantonalna bolnica Zenica

Član 1.**(Predmet)**

(1) Odobravaju se sredstva JU Kantonalna bolnica Zenica za pokriće troškova nabavke nabavku rezervnih dijelova za medicinsku i nemedicinsku opremu u ukupnom iznosu 70.957,83 KM (slovima: sedamdesethiljadadevetstotinašesetsedam i 83/100 konvertibilnih maraka).

(2) Odobrena sredstva se odnose na pokriće troškova nabavke po sljedećim računima nabavke:

Redni broj	Dobavljač	Svrha	Račun	Iznos
1.	„Derby trade“ d.o.o. Brčko	Defektaža i popravak procesora Leica	Rn 127/2020 od 31.01.2020. godine	5.031,00
2.	„Hercegovinalijek“ d.o.o. Mostar	Rezervni dijelovi za medicinsku opremu Drager	Rn DR 10 od 23.01.2020. godine	4.244,99
3.	„Medpoint“ d.o.o. Sarajevo	Isporuka i ugradnja dijela na gama kameri Picker	Rn 041-06/20 od 09.06.2020. godine	8.307,00
4.	„Target servis centar“ d.o.o. Zenica	Ugradnja motora i turbine	Rn 14-20 od 31.03.2020. godine	5.265,00
5.	„Inel Med“ d.o.o. Mostar	Rezervni dijelovi za medicinsku opremu DWA	Rn 2811/20 od 21.09.2020. godine	7.133,10
6.	„Inel Med“ d.o.o. Mostar	Rezervni dijelovi za medicinsku opremu DWA	Rn 2964/20 od 30.09.2020. godine	7.133,10
7.	„Sedžan ingenerng“ d.o.o. Sarajevo	Rezervni dijelovi Olympus	Rn 20-3000-923 od 20.11.2020. godine	25.524,94
8.	Sedžan ingenering“ d.o.o. Sarajevo	Rezervni dijelovi Olympus -servis glave kamere G548200F	Rn 20-3000-944 od 01.12.2020. godine	8.318,70
Ukupno				70.957,83

Član 2.**(Analitička konta)**

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2020. godinu („Službene novine Zeničko-dobojskog kantona”, broj: 24/19 i 7/20), sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti- za zdravstvo”.

(2) Sredstva odobrena ovom odlukom će se transferisati na račun JU Kantonalna bolnica Zenica broj: 134-010-00000138-94 otvoren kod ASA banke, na osnovu ove odluke i ispostavljenih faktura.

Član 3.**(Provođenje Odluke)**

Za provođenje ove odluke zadužuju se Ministarstvo zdravstva, Ministarstvo finansija i JU Kantonalna bolnica Zenica, svako u okviru svoje nadležnosti.

Član 4.
(Izvjestavanje)

JU Kantonalna bolnica Zenica je dužna izvjestiti Ministarstvo zdravstva o namjenskom utrošku sredstava, dostavljanjem dokaza o uplati sredstava dobavljaču.

Član 5.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), a u skladu sa Programom utroška sredstava po Odluci Vlade Zeničko-dobojskog kantona, broj: 02-11-19762/20 od 23.12.2020. godine, na poziciji „Ostali transferi za zdravstvo - tekući transfer zdravstvenim ustanovama za sprečavanje širenja bolesti izazvane corona virusom - COVID-19“ Ministarstva zdravstva, broj: 02-11-19935/20 od 28.12.2020. godine, na prijedlog Ministarstva zdravstva, Vlada Zeničko-dobojskog kantona, na 90. sjednici, održanoj dana 28.12.2020. godine, d o n o s i

Broj: 02-11-19993/20
Datum: 28.12.2020. godine
Zenica

P R E M I J E R
po Odluci predsjedavajućeg Skupštine

Mirnes Bašić, s.r.

9.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 33. stav (1)

O D L U K U

o odobravanju sredstava zdravstvenim ustanovama sa područja Zeničko-dobojskog kantona - finansijska pomoć za sanaciju posljedica nastalih uslijed proglašene pandemije COVID-19

Član 1.
(Predmet)

Odobravaju se sredstva zdravstvenim ustanovama sa područja Zeničko-dobojskog kantona- finansijska pomoć za sanaciju posljedica nastalih uslijed proglašene pandemije COVID-19 u ukupnom iznosu 2.000.000,00 KM (slovima: dvamiliona konvertibilnih maraka) i to:

Redni broj	Naziv zdravstvene ustanove	Iznos u KM
1.	JU Kantonalna bolnica Zenica	950.000,00
2.	JU Opća bolnica Tešanj	350.000,00
3.	JU Institut za zdravlje i sigurnost hrane Zenica	100.000,00
4.	Dom zdravlja Breza	39.070,00
5.	Dom zdravlja Dobojug	32.730,00
6.	Dom zdravlja Kakanj	54.835,00
7.	Dom zdravlja Maglaj	45.225,00
8.	Dom zdravlja Olovo	36.250,00
9.	Dom zdravlja Tešanj	59.340,00
10.	Dom zdravlja Usora	34.280,00
11.	Dom zdravlja Vareš	35.260,00
12.	Dom zdravlja Visoko	56.290,00
13.	Dom zdravlja Zavidovići	53.500,00
14.	Dom zdravlja Zenica	103.235,00
15.	Dom zdravlja Žepče	49.985,00
Ukupno		2.000.000,00

Član 2 **(Analitička konta)**

Sredstva iz člana 1. ove odluke isplatit će se iz Budžeta Zeničko-dobojskog kantona za 2020. godinu („Službene novine Zeničko-dobojskog kantona”, broj: 24/19 i 7/20), sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100, pozicija „Ostali transferi za zdravstvo - tekući transfer zdravstvenim ustanovama za sprečavanje širenja bolesti izazvane corona virusom - COVID-19”.

Transfer sredstava izvršit će se na osnovu ove odluke na žiro račune zdravstvenih ustanova.

Član 3. **(Provođenje Odluke)**

Za provođenje ove Odluke zadužuju se Ministarstvo zdravstva i Ministarstvo finansija, svako u okviru svoje nadležnosti.

Član 4. **(Izvještavanje)**

Zdravstvene ustanove dužne su u roku od mjesec dana po primitku odobrenih sredstava dostaviti Izvještaj Ministarstvu zdravstva o pravdanju odobrenih sredstava.

Član 5. **(Stupanje na snagu)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona”.

Broj: 02-11-19994/20
Datum: 28.12.2020. godine
Zenica

P R E M I J E R
po Odluci predsjedavajućeg Skupštine

Mirnes Bašić, s.r.

10.

Na osnovu člana 16. stav 2. Zakona o Vladi Zeničko-dobojskog kanton - Prečišćeni tekst („Službene novine Zeničko-dobojskog kantona”, broj: 7/10), a u skladu sa Programom utroška sredstava planiranih u Budžetu Zeničko-dobojskog kantona za 2020. godinu, na poziciji

„Kapitalni transferi drugim nivoima vlasti – za zdravstvo“, broj: 02-11-19936/20 od 28.12.2020. godine, na prijedlog Ministarstva zdravstva, Vlada Zeničko-dobojskog kantona, na 90. sjednici, održanoj dana 28.12.2020. godine, donosi

O D L U K U **o odobravanju sredstava za nabavku električnih kreveta za potrebe JU Kantonalna bolnica Zenica**

Član 1. **(Predmet)**

- (1) Odobravaju se sredstva JU Kantonalna bolnica Zenica za nabavku električnih kreveta (11 kom) u ukupnom iznosu 50.836,50 KM (slovima: pedesthiljadaosam stotinatridesetšest i 50/100 konvertibilnih maraka).
- (2) Odobrena sredstva se odnose na realizaciju Ugovora, broj: 33-04-6555-1/20 od 17.12.2020. godine, koji je JU Kantonalna bolnica Zenica zaključila sa dobavljačem „Proma“ d.o.o. Sarajevo.

Član 2. **(Analitička konta)**

- (1) Sredstva iz člana 1. ove odluke isplatit će se iz Budžeta Zeničko-dobojskog kantona za 2020. godinu („Službene novine Zeničko-dobojskog kantona”, broj: 24/19 i 7/20), sa razdjela 21-Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti- za zdravstvo”.
- (2) Sredstva odobrena Odlukom će se transferisati na račun JU Kantonalna bolnica Zenica, broj: 134-010-00000138-94 otvoren kod ASA banke, na osnovu ove odluke i Ugovora o nabavci.

Član 3. **(Provođenje Odluke)**

Za provođenje ove odluke zadužuju se Ministarstvo zdravstva, Ministarstvo finansija i JU Kantonalna bolnica Zenica, svako u okviru svoje nadležnosti.

Član 4. **(Izvještavanje)**

JU Kantonalna bolnica Zenica je dužna izvjestiti Ministarstvo zdravstva o namjenskom utrošku sredstava, dostavljanjem dokaza o uplati sredstava dobavljaču.

Član 5.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-19995/20
Datum: 28.12.2020. godine
Zenica

P R E M I J E R
po Odluci predsjedavajućeg Skupštine

Mirnes Bašić, s.r.

11.

Na osnovu člana 16. stav 2. Zakona o Vladi Zeničko-dobojskog kanton - Prečišćeni tekst („Službene novine Zeničko-dobojskog kantona”, broj: 7/10), a u skladu sa Programom utroška sredstava planiranih u Budžetu Zeničko-dobojskog kantona za 2020. godinu na poziciji „Kapitalni transferi drugim nivoima vlasti – za zdravstvo“, broj: 02-11-19936/20 od 28.12.2020. godine, na prijedlog

Ministarstva zdravstva, Vlada Zeničko-dobojskog kantona, na 90. sjednici, održanoj dana 28.12.2020. godine, donosi

O D L U K U
o odobravanju sredstava JU Kantonalna bolnica
Zenica za nabavke medicinske opreme i radove koji se
odnose na suzbijanje zarazne bolesti uzrokovane
virusom COVID-19

Član 1.
(Predmet)

- (1) Odobravaju se sredstva JU Kantonalna bolnica Zenica za nabavke medicinske opreme i radove koje se odnose na suzbijanje zarazne bolesti uzrokovane virusom COVID-19 u ukupnom iznosu 1.652.000,00 KM (slovima: jedanmilionišeststotinašestdesetdvijehiljade konvertibilnih maraka).
- (2) Dio ukupno odobrenih sredstva u iznosu od 1.307.630,65 KM odnosi se na nabavke medicinske opreme, koja je nabavljena u skladu sa Odlukom o odobravanju sredstava za nabavku medicinske opreme, broj: 02-11-5001/20 od 27.03.2020. godine u količinama i iznosima koji su stvarno realizovani i to:

Redni broj	Vrsta opreme	Količina	Ukupna vrijednost u KM
1.	Mobilni RTG aparat	1	9.886,50
2.	Prijenosni UZV aparat sa kardijalnom, linearnom i konveksnom sondom	2	88.920,00
3.	Respirator	2	105.066,00
4.	Transportni respirator	2	55.364,00
5.	Ležeća kolica za unutrašnji transport	14	25.945,92
6.	Defibrilator obični	2	51.714,00
7.	Transportni defibrilator	2	80.262,00
8.	Sanitetsko vozilo	1	99.222,06
9.	Kreveti električni za intenzivnu njegu	30	168.480,00
10.	Antidekubitalni madraci	34	107.640,00
11.	Invazivni monitoring	10	78.030,81
12.	Monitori	22	157.001,36
13.	Perfuzori	30	108.985,50
14.	Infuzomati	20	73.710,00
15.	Aspiratori	15	97.402,50
Ukupno			1.307.630,65

(3) Dio ukupno odobrenih sredstva u iznosu 344.369,35 KM odnosi se na neophodne nabavke koje je JU Kantonalna bolnica Zenica imala u toku pandemije:

Redni broj	Vrsta nabavke	Ukupna vrijednost u KM
1.	Instalacija plinova u Odjelu za infektivne bolesti	68.501,16
2.	Ovlaživači kisika	52.451,10
3.	Laringoskopski set sa špatulom	3.217,50
4.	Građevinski radovi za osposobljavanje Kantonalne bolnice za borbu protiv COVID-19	220.199,59
Ukupno		344.369,35

Član 2.

(Analitička konta)

Sredstva iz člana 1. ove odluke isplaćena su iz Budžeta Zeničko-dobojskog kantona za 2020. godinu („Službene novine Zeničko-dobojskog kantona”, broj: 24/19 i 7/20), sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo” u skladu sa članom 2. Odluke o odobravanju sredstava za nabavku medicinske opreme, broj: 02-11-5001/20 od 27.03.2020. godine, tako da za realizaciju ove odluke nisu potrebna dodatna sredstva iz Budžeta Zeničko-dobojskog kantona za 2020. godinu.

Član 3.

(Provođenje Odluke)

Za provođenje ove odluke zadužuju se JU Kantonalna bolnica Zenica, Ministarstvo zdravstva i Ministarstvo finansija, svako u okviru svoje nadležnosti.

Član 4.

(Izvještavanje)

JU Kantonalna bolnica Zenica je dužna doznačena sredstva pravdati zaključenim ugovorima o nabavci, ispostavljenim fakturama i dokazima o izmirenju obaveza prema dobavljačima, o čemu će izvjestiti Ministarstvo zdravstva.

Član 5.

(Stavljanje van snage)

Donošenjem ove odluke stavlja se van snage Odluka o odobravanju sredstava za nabavku medicinske opreme, broj: 02-11-5001/20 od 27.03.2020. godine.

Član 6.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-19998/20

Datum: 28.12.2020. godine

Zenica

P R E M I J E R

po Odluci predsjedavajućeg Skupštine

Mirnes Bašić, s.r.

.....

12.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u skladu sa Programom utroška sredstava planiranih u Budžetu Zeničko-dobojskog kantona za 2020. godinu, na poziciji „Kapitalni transferi drugim nivoima vlasti – za zdravstvo“, broj: 02-11-19936/20 od 28.12.2020. godine, na prijedlog Ministarstva zdravstva, Vlada Zeničko-dobojskog kantona, na 90. sjednici, održanoj dana 28.12.2020. godine, donosi

O D L U K U

o odobravanju sredstava za nabavku digitalnog mamografa za potrebe JU Kantonalna bolnica Zenica

Član 1.

(Predmet)

- (1) Odobravaju se sredstva JU Kantonalna bolnica Zenica za nabavku medicinske opreme- digitalni mamograf u ukupnom iznosu 218.790,00 KM (slovima: dvije stotine osamnaest hiljada sedam stotina devedeset konvertibilnih maraka).
- (2) Odobrena sredstva se odnose na realizaciju Ugovora o nabavci broj: 33-04-6594-1 od 04.12.2020. godine, koji je JU Kantonalna bolnica Zenica zaključila sa „Medical“ d.o.o. Mostar.

Član 2.

(Analitička konta)

- (1) Sredstva iz člana 1. ove odluke isplatit će se iz Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), sa razdjela 21 -Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo“.
- (2) Sredstva odobrena Odlukom će se transferisati na račun JU Kantonalna bolnica Zenica, broj: 134-010-00000138-94 otvoren kod ASA banke, na osnovu ove odluke i Ugovora o nabavci.

Član 3.

(Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija i JU Kantonalna bolnica Zenica, svako u okviru svoje nadležnosti.

Član 4.

(Izvrštavanje)

JU Kantonalna bolnica Zenica je dužna izvijestiti Ministarstvo zdravstva o namjenskom utrošku sredstava, dostavljanjem dokaza o uplati sredstava dobavljaču.

Član 5.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-19997/20

Datum: 28.12.2020. godine

Zenica

P R E M I J E R

po Odluci predsjedavajućeg Skupštine

Mirnes Bašić, s.r.

13.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 37. stav (1) Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 14/20) i Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2020. godini, broj: 02-11-6959/20 od 19.05.2020. godine, na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 90. sjednici, održanoj dana 28.12.2020. godine, d o n o s i

O D L U K U

o odobravanju sredstava na ime nadoknade dijela štete vlasnicima životinja kod naglih uginuća

Član 1.

(Predmet)

Odobravaju se sredstva u iznosu 14.710,00 KM (slovima: četrnaest hiljadasedamstotinašest konvertibilnih maraka) za nadoknadu dijela štete vlasnicima životinja kod naglih uginuća životinja na području Zeničko-dobojskog kantona za 2020. godinu.

Član 2.
(Analitička konta)

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), sa razdjela 23 – Ministarstvo za poljoprivredu, šumarstvo i vodoprivredu, budžetska organizacija 01, potrošačka jedinica 0001, ekonomski kod 614400, subanalitika NAD 405, pozicija „Subvencije-veterinarstvo“.

Član 3.
(Uplata sredstava)

Odobrena sredstva iz člana 1. ove odluke isplatit će se na transakcijske račune prema priloženom spisku od rednog broja 1. do 32 . koji čini integralni dio ove odluke – Anex I.

Član 4.
(Realizacija Odluke)

Za realizaciju ove odluke zadužuje se Ministarstvo za poljoprivredu šumarstvo i vodoprivredu i Ministarstvo finansija, svako u okviru svojih nadležnosti.

Član 5.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-19988/20
Datum: 28.12.2020. godine
Zenica

P R E M I J E R
po Odluci predsjedavajućeg Skupštine

Mirnes Bašić, s.r.

Anex I

**Spisak vlasnika koji su ostvarili pravo na isplatu sredstava za nadoknadu dijela
štete kod naglih uginuća životinja u 2020. godini**

R/b	Prezime i Ime	Grad/Općina	Broj uginulih životinja	Ukupno nadoknada
1.	ARNAUT JAKUB	ZENICA	1 krava	400,00 KM
2.	ŠIŠIĆ IZET	ZENICA	1 krava	400,00 KM
3.	GRAČIĆ DERVIŠA	ZENICA	1 krava	400,00 KM
4.	KOPIĆ MIRALEM	OLOVO	1 krava	400,00 KM
5.	MAHALBAŠIĆ ZEJNA	TEŠANJ	1 krava	400,00 KM
6.	PAŠIĆ EDIN	TEŠANJ	2 krave	800,00 KM
7.	EFENDIĆ MULO	ŽEPČE	14 ovaca	560,00 KM
8.	ORUČ SEDIN	ZENICA	1 krava	400,00 KM
9.	ZUKIĆ FAZIL	OLOVO	1 krava	400,00 KM
10.	JOLDIĆ ZAIM	ZAVIDOVIĆI	5 pčelinjih društava	150,00 KM
11.	ŠABANOVIĆ SELVEDINA	TEŠANJ	1 krava	400,00 KM
12.	FAIKA ORUČ	ZENICA	25 koza	1.000,00 KM
13.	TREBO ELVEDIN	BREZA	1 krava	400,00 KM
14.	KUNALIĆ NUSRET	MAGLAJ	11 pčelinjih društava	330,00 KM
15.	SO „HALILOVIĆ“	ZENICA	1 krava	400,00 KM
16.	GLEDO AMIR	OLOVO	1 krava	400,00 KM
17..	KOTORIĆ MUSTAFA	TEŠANJ	1 krava	400,00 KM
18.	BEGIĆ MUHAMED	KAKANJ	16 pčelinjih društava	480,00 KM
19..	GAGULIĆ FAIK	KAKANJ	5 pčelinjih društava	150,00 KM
20.	ČEHIĆ SEJAD	ZENICA	1 krava	400,00 KM
21.	DIZDAREVIĆ EMIR	TEŠANJ	1 krava	400,00 KM
22.	ISLAMOVIĆ MEHMEDALIJA	ZENICA	1 krava	400,00 KM
23.	REDŽO ENVER	BREZA	7 koza	280,00 KM
24.	DELIĆ SIFET	ZENICA	1 krava	400,00 KM
25.	BREŽAK NEDŽAD	KAKANJ	5 ovaca	200,00 KM
26.	KIĆO SALEM	KAKANJ	4 ovce	160,00 KM
27.	TUTNJIĆ ANĐELKO	KAKANJ	3 krave	1.200,00 KM
28.	SMRIKO MUHAMED	ZENICA	3 junadi	900,00 KM
29.	SALKIĆ DAMIR	MAGLAJ	16 ovaca, 6 jagnjadi	760,00 KM
30.	ČAJLAKOVIĆ AVDAGA	ZENICA	1 krava	400,00 KM
31.	ČEHIĆ AZIZ	ZENICA	1 krava	400,00 KM
32.	PIPO DENIS	KAKANJ	18 pčelinjih društava	540,00 KM
UKUPNO :			/	14.710,00 KM

.....

14.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i Programa utroška sredstava u Ministarstvu za rad, socijalnu politiku i izbjeglice za 2020. godinu, broj: 02-11-1601/20 od 30.01.2020. godine, broj: 02-11-6331/20 od 08.05.2020. godine, broj: 02-11-10814/20 od 26.06.2020. godine broj: 02-11-10814/20 od 26.06.2020. godine, broj 02-11-17707/20 od 06.11.2020. godine i broj: 02-11-19937/20 od 28.12.2020. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 90. sjednici održanoj dana 28.12.2020. godine,

d o n o s i

O D L U K U

**o odobravanju sredstava za sufinansiranje
rekonstrukcije i asfaltiranja postojeće makadamske
prometnice u povratničkom naselju Bejići, općina
Usora**

Član 1. (Predmet)

Odobravaju se Općini Usora novčana sredstva u iznosu od 26.000,00 KM (slovima: dvadesetšest hiljada konvertibilnih maraka) na ime učešća Zeničko-dobojskog kantona u sufinansiranju rekonstrukcije i asfaltiranja postojeće makadamske prometnice u povratničkom naselju Bejići, općina Usora, sa ciljem potpore održivog povratka na područje općine Usora.

Član 2. (Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), sa razdjela 20 -Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 615200, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica“.

Član 3. (Uplata sredstava)

Odobrena sredstva će se uplatiti na transakcijski račun Općine Usora broj: 1011610071934527, otvoren kod Privredne banke, vrsta prihoda 732114, šifra Općine 025, sa naznakom Svrha uplate: „Sufinansiranje rekonstrukcije i asfaltiranja postojeće makadamske prometnice u povratničkom naselju Bejići, općina Usora“.

Član.

(Izvjestavanje)

Obavezuje se Općina Usora, da Ministarstvu za rad, socijalnu politiku i izbjeglice Zeničko-dobojskog kantona po završetku građevinskih radova dostavi narativni i finansijski izvještaj o namjenski utrošenim sredstvima po završetku radova.

Član 5.

(Realizacija Odluke)

Za realizaciju ove odluke zadužuju se Općina Usora, Ministarstvo za rad, socijalnu politiku i izbjeglice i Ministarstvo finansija svako u okviru svojih nadležnosti.

Član 6.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-20006/20

Datum: 28.12.2020. godine

Zenica

P R E M I J E R

po Odluci predsjedavajućeg Skupštine

Mirnes Bašić, s.r.

15.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 15., stav (4) Zakona o izvršavanju budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 14/20), na prijedlog Ministarstva finansija, Vlada Zeničko-dobojskog kantona, na 90. sjednici, održanoj dana 28.12.2020. godine,

d o n o s i

O D L U K U

**o preraspodjeli sredstava u budžetu
Zeničko-dobojskog kantona za 2020. godinu**

Član 1. (Predmet)

Odobrava se preraspodjela sredstava planiranih u Budžetu Zeničko-dobojskog kantona za 2020. godinu („Službene novine Zeničko-dobojskog kantona“, broj:

24/19 i 7/20), između budžetskih korisnika Ministarstvo za obrazovanje, nauku, kulturu i sport i OŠ „Musa Ćazim Ćatić“ Zenica.

Član 2.

(Način preraspodjele sredstava)

Preraspodjela sredstava planiranih u Budžetu Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), vrši se na sljedeći način:

- a) na razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, sredstva planirana na poziciji 614300 MAX 002 – Tekući transfer za sport, Plan izdaci iz budžeta 2020. godina, umanjuju se za 14.000,00 KM;
- b) na razdjelu 22, budžetska organizacija 02, potrošačka jedinica 0060 – OŠ „Musa Ćazim Ćatić“ Zenica, sredstva planirana na poziciji 821600 – Rekonstrukcija i investiciono održavanje, Plan izdaci iz budžeta 2020. godina, uvećavaju se za 14.000,00 KM.

Član 3.

(Realizacija odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 4.

(Stupanje na snagu)

Ova odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-11-20028/20
Datum: 28.12.2020. godine
Zenica

P R E M I J E R

po Odluci predsjedavajućeg Skupštine

Mirnes Bašić, s.r.

.....

16.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u skladu članom 3. stav (1) i članom 4. a u vezi sa članom 7. Uredbe o reprezentaciji i poklonima („Službene novine Zeničko-dobojskog kantona“, broj: 5/14), na prijedlog Ureda premijera, Vlada Zeničko-dobojskog kantona, na 90. sjednici, održanoj dana 28.12.2020. godine, d o n o s i

O D L U K U

o utvrđivanju visine reprezentacije i poklona za 2020. godinu

Član 1.

(Predmet)

Ovom odlukom utvrđuje se visina reprezentacije i poklona za kantonalna ministarstva i druga tijela kantonalne uprave.

Član 2.

(Troškovi reprezentacije)

Troškovi za reprezentaciju i poklone u skladu sa Budžetom Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), ne mogu preći iznos od 30.000,00 KM (slovima: trideset hiljada konvertibilnih maraka).

Član 3.

(Provođenje Odluke)

Za provođenje ove odluke zadužuju se sva ministarstva i druga tijela kantonalne uprave.

Član 4.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-20031/20
Datum: 28.12.2020. godine
Zenica

P R E M I J E R

po Odluci predsjedavajućeg Skupštine

Mirnes Bašić, s.r.

.....

17.

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj 7/10) i člana 37. Zakona o zaštiti od nasilja u porodici („Službene novine Federacije BiH“, broj: 20/13), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 90. sjednici održanoj dana 28.12.2020. godine,

d o n o s i

RJEŠENJE

o imenovanju članova Koordinacionog tijela za provođenje dvogodišnjeg programa mjera za prevenciju, zaštitu i borbu protiv nasilja u porodici za područje Zeničko-dobojskog kantona

Član 1.

Imenuje se Koordinaciono tijelo za provođenje dvogodišnjeg programa mjera za prevenciju, zaštitu i borbu protiv nasilja u porodici za područje Zeničko-dobojskog kantona, u sastavu:

1. Edin Arnaut - član, Lamija Piljug - zamjenik, Ministarstvo za rad, socijalnu politiku i izbjeglice;
2. Ena Zubčević - član, Asmir Alagić - zamjenik, Ministarstvo za pravosuđe i upravu;
3. Tajib Babić - član, Inela Kaknjo Šabanović - zamjenik, Ministarstvo zdravstva;
4. Selvedina Delić - član, Darija Kuhar - zamjenik, Ministarstvo za obrazovanje, nauku, kulturu i sport;
5. Lidija Mehičić - član, Maja Galić - zamjenik, Ministarstvo unutrašnjih poslova;
6. Nadžija Talić - član, Amra Babić - zamjenik, Kantonalni zavod za besplatnu pravnu pomoć;
7. Meliha Sendić - član, Selma Badžić - zamjenik, Centar za pravnu pomoć ženama;
8. Sabiha Husić - član, Irma Šiljak - zamjenik, Udruženje „Medica“ Zenica;
9. Velida Kulenović - član, Mujesira Purić - zamjenik, Udruženje/udruga „BH novinari“.

Član 2.

Zadatak Koordinacionog tijela je da provede i realizuje Program mjera za prevenciju, zaštitu i borbu protiv nasilja u porodici za područje Zeničko-dobojskog kantona 2019.-2021. godine, da prati, koordinira rad svih nadležnih

institucija na provođenju istog, učestvuju u izradi novog dvogodišnjeg programa i da informiše Vladu Zeničko-dobojskog kantona o provođenju programa.

Član 3.

Donošenjem ovog rješenja prestaje da važi Rješenje Vlade Zeničko-dobojskog kantona, broj: 02-34-11647/17 od 15.08.2017. godine.

Član 4.

Rješenje stupa na snagu danom donošenja i objavit će se u „Službenim novinama Zeničko-dobojskog kantona.“

Broj: 02-30-20005/20

Datum: 28.12.2020. godine

Zenica

P R E M I J E R

po Odluci predsjedavajućeg Skupštine

Mirnes Bašić, s.r.

18.

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 12. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03, 65/13), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 90. sjednici, održanoj dana 28.12.2020. godine, d o n o s i

RJEŠENJE

o konačnom imenovanju na poziciju predsjednika i člana Nadzornog odbora JU Centar za djecu i odrasle osobe s posebnim potrebama Zeničko-dobojskog kantona

Član 1.

Za predsjednika i člana Nadzornog odbora JU Centar za djecu i odrasle osobe s posebnim potrebama Zeničko-dobojskog kantona, na mandatni period od četiri godine, imenuju se:

1. Jusmir Mehić, predsjednik;
2. Marinko Kelavić, član.

Član 2.

Zadužuje se Ministarstvo za rad, socijalnu politiku i izbjeglice Zeničko-dobojskog kantona, da objavi ponovni javni oglas za popunu 1 (jednog) člana Nadzornog odbora JU Centar za djecu i odrasle osobe s posebnim potrebama Zeničko-dobojskog kantona, iz reda zaposlenih u JU Centar za djecu i odrasle osobe s posebnim potrebama Zeničko-dobojskog kantona.

Član 3.

Rješenje stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-30-20004/20

Datum: 28.12.2020. godine

Zenica

P R E M I J E R

po Odluci predsjedavajućeg Skupštine

Mirnes Bašić, s.r.

.....

19.

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 64. stav 7. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13), člana 12. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 34/03 i 65/13), člana 26. Odluke o utvrđivanju Standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona („Službene novine Zeničko-dobojskog kantona“, broj: 4/15, 7/15 i 11/16), na prijedlog ministra Ministarstva zdravstva, Vlada Zeničko-dobojskog kantona, na 91. sjednici, održanoj dana 14.01.2021. godine, donosi

R J E Š E N J E

**o konačnom imenovanju Upravnog odbora
JU Institut za zdravlje i sigurnost hrane Zenica**

Član 1.

Za predsjednika i članove Upravnog odbora JU Institut za zdravlje i sigurnost hrane Zenica, na mandatni period od četiri godine, imenuju se:

1. Meris Husanović – predsjednik,
2. Eldin Karahodžić – član,
3. Hana Busuladžić – član,
4. Muhamed Gladan – član,
5. Alija Sinanović – član.

Član 2.

Rješenje stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-30-855/21

Datum: 14.01.2021. godine

Zenica

P R E M I J E R

po Odluci predsjedavajućeg Skupštine

Mirnes Bašić, s.r.

.....

**MINISTARSTVO ZA OBRAZOVANJE,
NAUKU, KULTURU I SPORT**

20.

Na osnovu člana 18. stav (1) Zakona o kantonalnim ministarstvima i drugim tijelima uprave („Službene novine Zeničko-dobojskog kantona“, broj: 10/15), a u vezi članova 15., 16., 17. i 18. Zakona o osnovnoj školi („Službene novine Zeničko-dobojskog kantona“, broj: 3/18), Ministar za obrazovanje, nauku, kulturu i sport Zeničko-dobojskog kantona d o n o s i

**PRAVILNIK
o postupku utvrđivanja uslova, sadržaju i
načinu vođenja Registra osnovnih škola****Član 1.
(Predmet pravilnika)**

Ovim pravilnikom propisuje se postupak utvrđivanja uslova za rad redovne osnovne škole, osnovne škole za djecu s teškoćama u razvoju, osnovne muzičke i osnovne baletske škole (u daljem tekstu: osnovna škola), organizovane kao ustanove u svim oblicima svojine, kao i sadržaj i način vođenja Registra osnovnih škola sa područja Zeničko-dobojskog kantona (u daljem tekstu: Registar).

**Član 2.
(Upis u Registar)**

- (1) Postupak utvrđivanja uslova za rad osnovne škole i upis u Registar vrši Ministarstvo za obrazovanje, nauku, kulturu i sport Zeničko-dobojskog kantona (u daljem tekstu: Ministarstvo).
- (2) Upis osnovne škole u Registar vrši se nakon provedenog postupka utvrđivanja uslova za rad osnovne škole, na osnovu rješenja o upisu u Registar.
- (3) U Registar se upisuje novoosnovana osnovna škola kao i postojeća škola kod koje su nastale statusne promjene. Izmjene i dopune registracije se vrše u slučaju:
 - a) promjene naziva škole, sjedišta i adrese škole;
 - b) promjene osnivača škole;
 - c) organizovanja odjeljenja djece s teškoćama u razvoju;
 - d) organizovanja područne škole.

- (4) Ukoliko je osnivač osnovne škole i doma učenika Skupština Kantona, prava i obaveze osnivača vrši Vlada Kantona.

**Član 3.
(Pokretanje postupka utvrđivanja uslova za rad
osnovne škole)**

- (1) Postupak utvrđivanja uslova za rad osnovne škole vodi se u slučaju registracije ili izmjene i dopune registracije.
- (2) Ministarstvo može pokrenuti postupak iz prethodnog stava i po službenoj dužnosti.

**Član 4.
(Zahtjev za upis u Registar)**

- (1) Prava i obaveze osnivanja javne osnovne škole u ime osnivača Skupštine Kantona i u skladu svojih nadležnosti vrši Vlada Kantona.
- (2) Prava i obaveze iz prethodnog stava ovog člana propisane su Zakonom o ustanovama („Službeni list RBiH“, broj: 6/92, 8/93 i 13/94), kao i drugim propisima koji uređuju ovu oblast.
- (3) Osnovna škola ili njen osnivač podnose zahtjev za upis u Registar ili za izmjene i dopune registracije osnovne škole najkasnije do 31. decembra za narednu školsku godinu.
- (4) Uz zahtjev za upis u Registar osnovna škola ili njen osnivač dostavlja:
 - a) Odluku o preuzimanju prava osnivača, ili odluku osnivača o transformaciji postojeće ili o osnivanju osnovne škole;
 - b) Akt o imenovanju školskog odbora;
 - c) Pravila osnovne škole;
 - d) Odluku o imenovanju direktora, odnosno vršioca dužnosti direktora škole;
 - e) Dokaz o potrebnom broju stručnog nastavnog kadra, stručnih saradnika i ostalih zaposlenika u skladu sa Nastavnim planom i programom i Pedagoškim standardima za osnovnu školu;
 - f) Popis upisno-gravitacionih područja sa kojeg osnovna škola obavezno obuhvata školske obveznike;
 - g) Dokaz o obezbijeđenim finansijskim sredstvima za osnivanje škole ili za izmjene i dopune registracije osnovne škole;

- h) Dokaz o osiguranju sredstava za finansiranje rada škole, kao i bezuslovnu bankovnu garanciju na ime osiguranja finansijskih sredstava za osnivanje škole ili za izmjene i dopune registracije osnovne škole;
- i) Uz dokaz iz prethodne tačke ovog stava potrebno je dostaviti i specifikaciju predviđenih troškova za potpunu realizaciju nastavnog plana i programa;
- j) Dokaz o sredstvima za uplatu troškova utvrđivanja ispunjenosti uslova.

(5) Naknada iz stava (4), tačka j), ovog člana iznosi 1.000,00 KM (jednahiljada KM).

Član 5.

(Uslovi za osnivanje osnovne škole)

Uslovi za rad osnovne škole su:

- a) Obezbijeđen nastavni kadar u skladu sa Nastavnim planom i programom i Pedagoškim standardima za osnovnu školu;
- b) Broj učenika i odjeljenja u skladu sa Pedagoškim standardima za osnovnu školu;
- c) Obezbijeđen školski prostor, oprema i nastavna sredstva u skladu sa Normativima školskog prostora, opreme, nastavnih sredstava i pomagala za osnovnu školu;
- d) Obezbijeđeni uslovi za rad u skladu sa Pedagoškim standardima;
- e) Obezbijeđena finansijska sredstva za rad osnovne škole.

Član 6.

(Komisija za utvrđivanje uslova za rad osnovne škole)

- (1) Dokaze o ispunjenosti uslova za rad osnovne škole provjerava, na licu mjesta, stručna komisija koju imenuje ministar Ministarstva za obrazovanje, nauku, kulturu i sport u Vladi Zeničko-dobojskog kantona (u daljem tekstu: Ministar) i čiji članovi u skladu sa uplatom iz člana 4., stav (5) ovog pravilnika dobijaju novčanu naknadu za svoj rad.
- (2) Stručna komisija sastoji se od predsjednika i dva člana.
- (3) Stručna komisija razmatra zahtjev, procjenjuje dokaze i na licu mjesta utvrđuje uslove za rad osnovne škole o čemu sačinjava zapisnik.
- (4) Na osnovu zapisnika o procjeni uslova za rad osnovne škole stručna komisija predlaže Ministru da donese rješenje o upisu u Registar osnovnih škola Zeničko-dobojskog kantona, ili da donese rješenje o odbijanju

zahtjeva za upis, odnosno za izmjenu i dopunu registracije.

- (5) Za zakonitost rada stručne komisije odgovoran je predsjednik.

Član 7.

(Ponovljeni postupak utvrđivanja uslova za rad osnovne škole)

- (1) Stručna komisija može u zapisniku iz člana 6. stav (3) ovog pravilnika konstatovati da će ponoviti postupak utvrđivanja uslova za rad osnovne škole, odnosno odjeljenja izvan njenog sjedišta u roku od dva mjeseca od dana prvog izlaska stručne komisije na lice mjesta radi otklanjanja nedostataka, a najkasnije do 31. marta godine u kojoj se, na osnovu podnesenog zahtjeva u skladu sa članom 4. stav (3) ovog pravilnika, donosi rješenje za početak rada u narednoj školskoj godini.
- (2) Ako stručna komisija i u ponovljenom pregledu na licu mjesta utvrdi da nisu ispunjeni uslovi iz prethodnog stava predložiti će Ministru da donese rješenje o odbijanju zahtjeva za upis u Registar.

Član 8.

(Rješenje o upisu u Registar)

- (1) Upis osnovne škole u Registar vrši se nakon provedenog postupka utvrđivanja uslova za rad osnovne škole i na osnovu rješenja o upisu u Registar.
- (2) Rješenje o upisu u Registar osnovnih škola ili o odbijanju zahtjeva za upis donosi Ministar do početka upisa u prvi razred osnovne škole, a najkasnije do 31. marta godine u kojoj se, na osnovu podnesenog zahtjeva za upis u Registar donosi rješenje o upisu u Registar.
- (3) Na osnovu izdatih rješenja o upisu u Registar osnovnih škola, Ministarstvo objavljuje spisak verifikovanih osnovnih škola u “Službenim novinama Zeničko-dobojskog kantona”, najkasnije do početka naredne školske godine.

Član 9.

(Knjiga Registra)

- (1) Knjigu Registra osnovnih škola vodi Ministarstvo.
- (2) Na unutrašnjoj strani prve korice knjige Registra se ovjerava potpisom ovlaštenog radnika i pečatom Ministarstva.
- (3) Knjiga Registra osnovnih škola vodi se na Obrascu ROŠ1, koji je sastavni dio ovog pravilnika, u tvrdom povezu, dimenzija 28 x 40 cm.

(4) Obrazac Registra osnovnih škola sadrži:

- a) Redni broj;
- b) Datum upisa u Registar;
- c) Naziv i vrsta škole;
- d) Sjedište i adresa osnovne škole;
- e) Adresa područne škole;
- f) Naziv osnivača, broj i datum akta o osnivanju osnovne škole, odnosno akta o transformaciji postojeće osnovne škole;
- g) Broj i datum rješenja Ministra o upisu osnovne škole, područne škole ili odjeljenja djece s teškoćama u razvoju u Registar;
- h) Upisno-gravitaciono područje škole;
- i) Statusne promjene;
- j) Prestanak rada, naziv organa, broj i datum akta o prestanku rada osnovne škole, odnosno područne škole ili odjeljenja djece s teškoćama u razvoju osnovne škole;
- k) Napomene.

Član 10.**(Način upisa u Registar)**

- (1) Na dvije stranice knjige Registra upisuju se podaci za jednu osnovnu školu.
- (2) Unos podataka u knjigu vrši se trajnim mastilom ili dokumental hemijskom olovkom i oni su trajne vrijednosti.
- (3) Ispravka pogrešno izvršenog upisa vrši se na taj način što se pogrešno upisani tekst precrtava tako da ostane čitljiv, a iznad njega se upiše ispravan tekst.
- (4) Izmjena podataka vrši se na taj način da se upisani tekst precrtava crvenom olovkom, a novi tekst se upisuje u odgovarajući slobodan prostor.
- (5) Razlog za ispravku i izmjenu upisuje se u rubriku „Napomene“ i potvrđuje pečatom Ministarstva.

Član 11.**(Brisanje iz Registra)**

- (1) Osnovna škola briše se iz Registra kada prestane da ispunjava uslove propisane članom 5. ovog pravilnika i Pedagoškim standardima za osnovnu školu.

(2) Prava i obaveze u vezi sa brisanjem iz Registra javne osnovne škole, u ime osnivača Skupštine Kantona i u skladu svojih nadležnosti, vrši Vlada Kantona.

(3) Prava i obaveze iz prethodnog stava ovog člana propisane su Zakonom o ustanovama („Službeni list RBiH“, broj: 6/92, 8/93 i 13/94), kao i drugim propisima koji uređuju ovu oblast.

(4) Osnivač privatne osnovne škole može samoinicijativno pokrenuti proceduru za brisanje škole iz Registra.

(5) Uz zahtjev za brisanje iz Registra osnivač iz prethodnog stava ovog člana dostavlja:

- a) Originalni primjerak Odluke Osnivača o prestanku rada sa obrazloženjem razloga za brisanje iz Registra;
- b) Ovjerenu kopiju aktuelnog izvoda iz sudskog registra.

(6) Brisanje osnovne škole iz Registra vrši se na način da se crvenom olovkom zaokruži redni broj i dijagonalno precrtaju rubrike sa podacima iz člana 9., od alineje b) do j) ovog pravilnika.

(7) Ministarstvo može po službenoj dužnosti pokrenuti postupak za brisanje osnovne škole iz Registra i u skladu sa Zakonom o osnovnoj školi donijeti rješenje o prestanku rada osnovne škole.

(8) Prije brisanja iz Registra škola treba realizovati sve zakonom preuzete obaveze.

Član 12.**(Stupanje na snagu)**

- (1) Ovaj pravilnik stupa na snagu danom donošenja, a objavit će se u „Službenim novinama Zeničko-dobojskog kantona“.
- (2) Stupanjem na snagu ovog pravilnika prestaje da važi Pravilnik o postupku utvrđivanja uslova i o sadržaju i načinu vođenja registra osnovnih škola objavljen u („Službenim novinama Zeničko-dobojskog kantona“, broj: 8/97).

Broj: 10-34-17439/20.

Datum: 28.12.2020. godine
Zenica

MINISTAR

Prof. dr. Spahija Kozlić, s.r.

[illegible]

[illegible]

21.

Na osnovu člana 18. stav (1) Zakona o kantonalnim ministarstvima i drugim tijelima uprave („Službene novine Zeničko-dobojskog kantona“, broj: 10/15), a u vezi članova 19., 20 i 25. Zakona o srednjoj školi („Službene novine Zeničko-dobojskog kantona“, broj: 9/17), ministar Ministarstva za obrazovanje nauku, kulturu i sport Zeničko-dobojskog kantona, donosi:

**Pravilnik o postupku utvrđivanja uslova,
sadržaju i načinu vođenja Registra
srednjih škola i domova učenika**

Član 1.

(Predmet pravilnika)

Ovim pravilnikom propisuje se postupak utvrđivanja uslova za rad gimnazije, srednje tehničke i srodne škole, mješovite srednje škole, srednje stručne škole, srednje umjetničke, srednje škole za vjerske službenike i srednje škole za učenike sa teškoćama u razvoju (u daljem tekstu: srednja škola), organizovane kao ustanove u svim oblicima svojine, kao i sadržaj i način vođenja Registra srednjih škola i domova učenika (u daljem tekstu: Registar).

Član 2.

(Upis u Registar)

- (1) Postupak utvrđivanja uslova za rad srednje škole i doma učenika, kao i izmjene ili dopune registracije rada verifikovane srednje škole i verifikovanog doma učenika koji se upisuju u Registar vrši Ministarstvo za obrazovanje, nauku, kulturu i sport Zeničko-dobojskog kantona (u daljem tekstu: Ministarstvo).
- (2) U slučaju izmjene ili dopune registracije postupak utvrđivanja uslova za rad verifikovane srednje škole i verifikovanog doma učenika vrši Ministarstvo.
- (3) Verifikovana srednja škola i verifikovan dom učenika podnosi zahtjev za upis statusnih promjena u Registar ili za izmjene i dopune registracije.
- (4) Izmjene i dopune registracije verifikovane srednje škole i verifikovanog doma učenika vrši se u slučaju sljedećih statusnih promjena:
 - a) Promjene naziva škole ili doma učenika;
 - b) Promjene sjedišta škole ili doma učenika;
 - c) Promjena osnivača škole ili doma učenika;

d) Promjena djelatnosti škole ili doma učenika;

- e) Organizacije odgojno-obrazovnog rada izvan sjedišta srednje škole (područna odjeljenja za: redovne oblike srednjeg obrazovanja, organizacione jedinice u drugim kantonima/inostanstvu, specijalne oblike obrazovanja).
- (5) Ukoliko je osnivač srednje škole i doma učenika Skupština Kantona, prava i obaveze osnivača vrši Vlada Kantona.
 - (6) Na osnovu zahtjeva verifikovane srednje škole ili doma učenika ministar imenuje Stručnu komisiju za provjeru uslova za upis statusnih promjena verifikovane srednje škole iz tačaka b), d) i e) prethodnog stava ovog člana, koja je u obavezi sačiniti zapisnik uz navođenje prijedloga ministru o ispunjavanju ili neispunjavanju uslova za navedene statusne promjene.
 - (7) Stručna komisija iz prethodnog stava ovog člana se sastoji od predsjednika koji je odgovoran za rad komisije i najmanje tri člana.
 - (8) Verifikovanim srednjim školama i verifikovanom domu učenika na osnovu zapisnika stručne komisije iz stava (6) ovog člana donosi se konačno rješenje o ispunjavanju ili neispunjavanju uslova za verifikaciju statusnih promjena.
 - (9) Na osnovu Rješenja o ispunjavanju uslova za verifikaciju statusnih promjena srednja škola ili dom učenika vrši upis statusnih promjena iz stava (4) ovog člana u sudski registar, nakon čega se donosi konačno Rješenje o upisu statusnih promjena srednje škole ili doma učenika u Registar.
 - (10) Spisak statusnih promjena verifikovanih srednjih škola i verifikovanog doma učenika objavljuje se u Službenim novinama Zeničko-dobojskog kantona, najkasnije do početka drugog polugodišta tekuće školske godine.

Član 3.

**(Pokretanje postupka utvrđivanja uslova za rad
srednje škole i doma učenika)**

- (1) Postupak utvrđivanja uslova za rad srednje škole i doma učenika vodi se u slučaju registracije ili izmjene i dopune registracije.
- (2) Ministarstvo može pokrenuti postupak iz prethodnog stava i po službenoj dužnosti.

Član 4.**(Zahtjev za upis u Registar)**

- (1) Prava i obaveze osnivanja javne srednje škole ili doma učenika u ime osnivača Skupštine Kantona i u skladu svojih nadležnosti vrši Vlada Kantona.
- (2) Prava i obaveze iz prethodnog stava ovog člana propisane su Zakonom o ustanovama („Službeni list RBiH“, broj: 6/92, 8/93 i 13/94), kao i drugim propisima koji uređuju ovu oblast.
- (3) Osnivač pri osnivanju privatne srednje škole ili doma učenika podnosi zahtjev za upis u Registar najkasnije do 31. decembra za narednu školsku godinu.
- (4) Uz zahtjev za upis u Registar osnivač iz prethodnog stava ovog člana dostavlja:
 - a) Odluku o osnivanju škole ili doma učenika;
 - b) Elaborat o društveno-ekonomskoj opravdanosti osnivanja srednje škole ili doma učenika;
 - c) Akt o imenovanju školskog odbora srednje škole ili doma učenika;
 - d) Pravila srednje škole ili doma učenika;
 - e) Godišnji program rada škole ili doma učenika;
 - f) Prijedloge nastavnih planova i programa za uvođenje novih zvanja/zanimanja koja nisu prethodno odobrena;
 - g) Odluku o imenovanju direktora, odnosno vršioca dužnosti direktora srednje škole ili doma učenika;
 - h) Dokaz o potrebnom broju stručnog nastavnog kadra, stručnih saradnika i ostalih zaposlenika u skladu sa Nastavnim planom i programom i Pedagoškim standardima za srednju školu;
 - i) Za osnivanje privatne srednje škole potrebno je dostaviti dokaz o osiguranju sredstava za finansiranje škole, kao i bezuslovnu bankovnu garanciju na ime osiguranja finansijskih sredstava za omogućavanje nesmetanog nastavka započetog srednjeg obrazovanja za učenike u slučaju statusnih promjena ili prestanka rada te škole.
 - j) Uz dokaz iz prethodne tačke ovog stava potrebno je dostaviti i specifikaciju predviđenih troškova za potpunu realizaciju nastavnog plana i programa;
 - k) Dokaz o sredstvima za uplatu troškova utvrđivanja ispunjenosti uslova za osnivanje privatne srednje škole ili privatnog doma učenika.

- (5) Naknada iz stava (4), tačka k), ovog člana iznosi 1000,00 KM (jednahiljada KM).

Član 5.**(Uslovi za osnivanje srednje škole ili doma učenika)**

Uslovi za osnivanje i rad srednje škole ili doma učenika su:

- a) Dovoljan broj odjeljenja u skladu sa Pedagoškim standardima za srednju školu, izuzev škole u privatnoj svojini;
- b) Srednja škola i dom učenika u privatnoj svojini može raditi i sa manjim brojem učenika u odjeljenju ili grupi u odnosu na utvrđeni broj u Pedagoškim standardima ako je to u interesu osnivača;
- c) Obezbijeden nastavni kadar u skladu sa Nastavnim planovima i programima;
- d) Obezbijedena sredstva za osnivanje škole ili doma učenika i realizaciju Nastavnog plana i programa;
- e) Školske prostorije, opremu i nastavna sredstva, u skladu sa odgovarajućim Normativima školskog prostora, opreme, nastavnih sredstava i učila za srednje škole;
- f) Prostorije doma učenika, opremu i sredstva u skladu sa odgovarajućim Normativima školskog prostora, opreme, nastavnih sredstava i učila za srednje škole;
- g) Broj učenika u odjeljenjima i grupama stručnih zvanja i zanimanja, u okviru kojih se ostvaruje odgoj i obrazovanje u srednjoj školi, što je utvrđeno Pedagoškim standardima za srednju školu;
- h) Broj učenika u odgojnim grupama doma učenika, u okviru kojih se ostvaruje odgoj, što je utvrđeno Pedagoškim standardima;
- i) Srednja škola ili dom učenika može početi sa radom početkom školske godine i to kada Ministarstvo utvrdi da su ispunjeni svi uslovi i nakon donošenja konačnog rješenja o ispunjenosti uslova za verifikovani rad;
- j) Uvođenje novog Nastavnog plana i programa, odnosno proširivanje djelatnosti ili promjena odgoja i obrazovanja u okviru rada srednje škole zahtijeva novo utvrđivanje uslova rada;

Član 6.**(Komisija za utvrđivanje uslova za rad srednje škole ili doma učenika)**

- (1) Dokaz o ispunjenosti uslova za rad srednje škole ili doma učenika provjerava na licu mjesta stručna komisija za provjeru ispunjenosti uslova za rad srednje

škole ili doma učenika (u daljem tekstu: Komisija) koju imenuje ministar Ministarstva za obrazovanje, nauku, kulturu i sport Zeničko-dobojskog kantona (u daljem tekstu: ministar) i čiji članovi u skladu sa uplatom iz člana 4. stav (5) ovog pravilnika dobijaju novčanu naknadu za svoj rad.

- (2) Komisija iz stava (1) ovog člana se sastoji od predsjednika i tri člana po jednom zvanju/zanimanju.
- (3) O utvrđivanju uslova iz prethodnog stava Komisija razmatra zahtjev, procjenjuje dokaze i na licu mjesta utvrđuje uslove za rad srednje škole ili doma učenika o čemu sačinjava zapisnik.
- (4) Za zakonitost rada Komisije odgovoran je predsjednik.
- (5) Na osnovu zapisnika iz stava (3) ovog člana stručna komisija predlaže ministru da donese rješenje o ispunjavanju ili neispunjavanju uslova za rad srednje škole ili doma učenika, odnosno da donese rješenje o odbijanju zahtjeva za upis ili izmjenу i dopunu registracije.
- (6) Na osnovu Rješenja o ispunjavanju uslova za rad srednje škole ili doma učenika srednja škola ili dom učenika vrši upis u sudski registar čime stiče svojstvo pravnog lica, i nakon čega se donosi konačno Rješenje o upisu srednje škole ili doma učenika u Registar.

Član 7.

(Ponovljeni postupak utvrđivanja uslova za rad srednje škole ili doma učenika)

- (1) Stručna komisija može u zapisniku iz člana 6. stav (3) ovog člana konstatovati da će ponoviti postupak utvrđivanja uslova za rad srednje škole ili doma učenika, odnosno organizaciji odgojno-obrazovnog rada izvan sjedišta srednje škole u roku do dva mjeseca od dana prvog izlaska stručne komisije na lice mjesta radi otklanjanja nedostataka, a najkasnije do 15. aprila godine u kojoj se, na osnovu podnesenog zahtjeva i potpune ispunjenosti uslova, a u skladu sa članom 4. stav (3) ovog pravilnika donosi rješenje za početak rada u narednoj školskoj godini.
- (2) Ako stručna komisija i u ponovnom pregledu na licu mjesta utvrdi da nisu ispunjeni uslovi iz prethodnog stava, predložiti će ministru da donese rješenje o odbijanju zahtjeva za upis u Registar.

Član 8.

(Rješenje o upisu u Registar)

- (1) Upis novoosnovane srednje škole ili doma učenika u Registar vrši se nakon provedenog postupka utvrđivanja uslova za rad srednje škole i na osnovu rješenja o upisu u Registar.
- (2) Rješenje o upisu u Registar ili odbijanju zahtjeva za upis novoosnovane srednje škole ili doma učenika u Registar donosi ministar do utvrđivanja plana upisa u prvi razred, a najkasnije do 30. aprila godine u kojoj se, na osnovu podnesenog zahtjeva za upis u Registar, donosi rješenje za početak rada za narednu školsku godinu.
- (3) Na osnovu izdatih rješenja o upisu novoosnovanih srednjih škola ili domova učenika u Registar, odnosno rješenja o izmjeni i dopuni registracije i statusnim promjenama, Ministarstvo objavljuje spisak novoosnovanih srednjih škola u „Službenim novinama Zeničko-dobojskog kantona“.

Član 9.

(Knjiga Registra)

- (1) Registar je dokument trajne vrijednosti koji vodi Ministarstvo.
- (2) Na unutrašnjoj strani prve korice knjiga Registra se ovjerava potpisom ovlaštenog radnika i pečatom Ministarstva.
- (3) Knjiga Registra vodi se na Obrascu RSŠ1 u tvrdo povezanoj knjizi A3 formata čije su stranice numerisane i koji je sastavni dio ovog pravilnika.
- (4) Obrazac Registra sadrži sljedeće rubrike:
 - a) Redni broj;
 - b) Datum upisa u Registar;
 - c) Naziv, tip, sjedište i adresa srednje škole ili doma učenika;
 - d) Sjedište i adresa odjeljenja ili odgojne grupe izvan sjedišta srednje škole ili doma učenika;
 - e) Naziv osnivača, broj i datum akta o osnivanju, ili akta o preuzimanju prava osnivača, ili akta o transformaciji srednje škole;
 - f) Broj i datum rješenja ministra o upisu u Registar srednje škole ili doma učenika, odnosno odjeljenja ili odgojne grupe izvan njenog sjedišta;

- g) Tip škole, stručna zvanja/zanimanja, školska godina u kojoj je zvanje/zanimanje uvedeno, odnosno godina u kojoj je zvanje/zanimanje ugašeno;
- h) Razred za pojedina stručna zvanja/zanimanja;
- i) Prestanak rada, naziv organa koji je donio akt o prestanku rada srednje škole, odnosno odjeljenja izvan sjedišta srednje škole, broj i datum tog akta;
- j) Napomene.

Član 10.

(Način upisa u Registar)

- (1) Na dvije stranice knjige Registra upisuju se podaci za jednu srednju školu ili dom učenika.
- (2) Unos podataka se u Registar se vrši trajnim mastilom ili dokumental hemijskom olovkom.
- (3) Ispravka pogrešno izvršenog upisa vrši se na taj način što se pogrešno upisani tekst precrtava tako da ostane čitljiv, a iznad njega se upiše ispravan tekst.
- (4) Izmjena podataka o upisu škole i stručnom zvanju ili zanimanju ili doma učenika vrši se upisivanjem u odgovarajuće rubrike podatka o školskoj godini kada je odobrena izmjena.
- (5) Razlog za ispravku i izmjenu upisuje se u rubriku „Napomene“ i potvrđuje pečatom Ministarstva.

Član 11.

(Brisanje iz Registra)

- (1) Srednja škola i dom učenika brišu se iz Registra kada prestanu da ispunjavaju uslove propisane članom 3. ovog pravilnika i Pedagoškim standardima za srednju školu.
- (2) Prava i obaveze u vezi sa brisanjem iz Registra javne srednje škole ili doma učenika u ime osnivača Skupštine Kantona i u skladu svojih nadležnosti vrši Vlada Kantona.
- (3) Prava i obaveze iz prethodnog stava ovog člana propisane su Zakonom o ustanovama („Službeni list RBiH“, broj: 6/92, 8/93 i 13/94), kao i drugim propisima koji uređuju ovu oblast.
- (4) Ministarstvo može po službenoj dužnosti, a u skladu sa stavom (2) i stavom (3) ovog člana, pokrenuti postupak za brisanje srednje škole ili doma učenika iz Registra i u skladu sa Zakonom o srednjoj školi donijeti rješenje o prestanku rada srednje škole ili doma učenika.

(5) Osnivač privatne srednje škole ili doma učenika može samoinicijativno da pokrene proceduru za brisanje srednje škole ili doma učenika iz Registra.

(6) Uz zahtjev za brisanje iz Registra osnivač iz prethodnog stava ovog člana dostavlja:

- a) Originalni primjerak Odluke Osnivača o prestanku rada sa obrazloženjem razloga za brisanje iz Registra;
- b) Ovjerenu kopiju aktuelnog izvoda iz sudskog registra.

(7) Brisanje srednje škole vrši se na taj način što se crvenom olovkom zaokruži redni broj i dijagonalno precrtaju rubrike sa podacima iz člana 9. tačka b) do h) ovog pravilnika.

Član 12.

(Stupanje na snagu)

- (1) Ovaj pravilnik stupa na snagu danom donošenja, a objavit će se u „Službenim novinama Zeničko-dobojskog kantona“.
- (2) Stupanjem na snagu ovog pravilnika prestaje da važi pravilnik o postupku utvrđivanja uslova i o sadržaju i načinu vođenja registra srednjih škola i domova učenika objavljen u („Službenim novinama Zeničko-dobojskog kantona“, broj: 5/18), od 13.04.2018. godine.

Broj: 10-34-17440/20.

Datum: 28.12.2020. godine
Zenica

MINISTAR

Prof. dr. Spahija Kozlić, s.r.

**REGISTAR
SREDNJIH ŠKOLA I
DOMOVA UČENIKA**

Knjiga broj: _____

[illegible]

22.

Ministarstvo za obrazovanje, nauku, kulturu i sport Zeničko-dobojskog kantona, u skladu s članom 18. stav (1) Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15), a na osnovu člana 179. stav (2) Zakona o osnovama sigurnosti saobraćaja na putevima u Bosni i Hercegovini ("Službeni glasnik BiH", broj: 6/06, 75/06, 44/07, 84/09, 48/10, 18/13, 8/17, 89/17 i 9/18), člana 8. Pravilnika o načinu i uvjetima organiziranja ispita za vozača motornih vozila („Službeni glasnik BiH“, broj: 46/12) i člana 4. Uputstva o formiranju i organizaciji ispitnih komisija za vozače motornih vozila („Službene novine Zeničko-dobojskog kantona“, broj: 10/18, 01/20 i 13/20), donosi:

R J E Š E N J E

o imenovanju ispitnih komisija za vozače motornih vozila u Zeničko-dobojskom kantonu

Član 1.

(Sastav komisija)

(1) U ispitnu komisiju za vozače motornih vozila za oblast poznavanja propisa o sigurnosti saobraćaja, imenuju se:

- 1) Ćatić Albin - predsjednik komisije
- 2) Ahmedspahić Mirzeta
- 3) Ahmetović Dalila
- 4) Avdukić Edžnan
- 5) Bajramović Adnan
- 6) Barut Muhamed
- 7) Batina Josip
- 8) Bećirović Nedim
- 9) Beganović Irhana
- 10) Begić Edo
- 11) Bilinović Neira
- 12) Bišić Adnan
- 13) Brka Muris
- 14) Buljubašić Zijad
- 15) Buljubašić Almir
- 16) Burina Džemal
- 17) Čivić Eldin
- 18) Čizmić Ernad
- 19) Delibašić Sadbera
- 20) Delić Suvad
- 21) Drugović Faruk
- 22) Durmić Zehnir

- 23) Didić Kadir
- 24) Đurić Saša
- 25) Eljazović Maida
- 26) Eljazović Birsan
- 27) Fuško Ramo
- 28) Grahić Zajko
- 29) Hadžajlić Lejla
- 30) Hadžić Dalibor
- 31) Hadžić Ajla
- 32) Hadžić Haris
- 33) Hadžić Hasib
- 34) Hajdarević Asmer
- 35) Hakanović Asmir
- 36) Handžić Hasan
- 37) Haračić Rizah
- 38) Heganović Uzeir
- 39) Hrgić Haris
- 40) Hujć Emina
- 41) Hurem Ajdin
- 42) Husanović Adil
- 43) Huseinbašić Amir
- 44) Imamović Lejla
- 45) Ivešić Marina
- 46) Jozinović Vladimir
- 47) Jurišić Svjetlana
- 48) Jusić Dženan
- 49) Jusubašić Sedin
- 50) Kadrić Zerina
- 51) Kadrić-Velić Edvina
- 52) Kalić Sabina
- 53) Kamenjašević Nedim
- 54) Kantić Edin
- 55) Karalić Ćazim
- 56) Keleštura Nedim
- 57) Kovač Anisa
- 58) Kovač Rasim
- 59) Kozar Azmir
- 60) Kuliš Miličević Klaudija
- 61) Ljevaković Nermina
- 62) Ljubović Evelin
- 63) Makić Edin
- 64) Mandžuka Amir
- 65) Mehić Nedim
- 66) Memić Selma
- 67) Merdanović Nermin

- 68) Mešić Mirnas
- 69) Muhić Ahmed
- 70) Mujezinović Elmir
- 71) Mujičić Eladina
- 72) Muslić Amel
- 73) Mustabašić Nermin
- 74) Mustafić Ademir
- 75) Mustafić Muamer
- 76) Mutapčić Rijad
- 77) Neimarlija Muris
- 78) Obran Amina
- 79) Omeragić Aner
- 80) Omerčić Eldar
- 81) Omerdić Dženan
- 82) Ormanović Mesud
- 83) Polić Zolota Zerina
- 84) Poračanin Elbis
- 85) Rajkić Dževdet
- 86) Rizvan Ervin
- 87) Salkanović Senaid
- 88) Sarajlić Mirzet
- 89) Sejkanović Esnef
- 90) Sikira Sadan
- 91) Silajdžić Faruk
- 92) Sinanović Amel
- 93) Skočilić Sandro
- 94) Skrobo Muamer
- 95) Smajlagić Naida
- 96) Spahić Elvir
- 97) Starčević Dženan
- 98) Strika Ajdin
- 99) Šahman Jasmin
- 100) Šego Tea
- 101) Šišić Merima
- 102) Škulj Samir
- 103) Varupa Medina
- 104) Vrbić Zdenko
- 105) Vuković Lejla
- 106) Zatagić Lejla
- 107) Zejnirović Ismet
- 108) Zolota Remhad
- 109) Zovko Dario

(2) U ispitnu komisiju za vozače motornih vozila za oblast poznavanja prve pomoći, imenuju se:

- 1) Macić Hero Edisa - predsjednik komisije
- 2) Alimanović Dženana
- 3) Arnaut Emina
- 4) Brčaninović Mahdi
- 5) Duraković Adnan
- 6) Gačić Emrah
- 7) Gledo Ibrahim
- 8) Hakić-Bešlagić Halida
- 9) Hamzić Edina
- 10) Irejiz Nedžada
- 11) Ismić Mejrema
- 12) Kablar Alisa
- 13) Limo Samra
- 14) Moćević Alija
- 15) Mujarić Hamdija
- 16) Muratović Enisa
- 17) Neslanović Abdagić Mubera
- 18) Radoš Slaven
- 19) Radoš Kosić Tanja
- 20) Rondić Nermin
- 21) Šabić Jasmin
- 22) Štaljo Suad
- 23) Topalović-Hamzakadić Saliha
- 24) Tursum Neira
- 25) Varupa Haris

(3) U ispitnu komisiju za vozače motornih vozila za oblast upravljanja motornim vozilom, imenuju se:

- 1) Mujezinović Senaid - predsjednik komisije
- 2) Abduzaimović Enver
- 3) Ahmedović Amir
- 4) Akšamović Muzafer
- 5) Alić Besim
- 6) Avdić Jasmina
- 7) Avdić Mustafa
- 8) Baručija Nusret
- 9) Bečić Ramiz
- 10) Begović Alen
- 11) Berbić Ibrahim
- 12) Bjelopoljak Taib

- | | |
|-----------------------------|-------------------------|
| 13) Brkić Sead | 55) Muslimović Našid |
| 14) Buha Edita | 56) Mušinbegović Jasmin |
| 15) Čaušević Ramiz | 57) Numić Damir |
| 16) Čorbo Suljo | 58) Nurikić Husejn |
| 17) Ćudić Stevan | 59) Obralić Mirzet |
| 18) Ćurić Stipo | 60) Osmić Salko |
| 19) Delić Predrag | 61) Parić Ahmet |
| 20) Duvnjak Fahrudin | 62) Plećan Vejiz |
| 21) Džidić Muhamed | 63) Prnjavorac Tarik |
| 22) Đipa Sado | 64) Prnjavorac Suad |
| 23) Emšo Rasim | 65) Salihspahić Tarik |
| 24) Gavrilović Jovo | 66) Salkić Hazim |
| 25) Halilović Sejad | 67) Sarač Indir |
| 26) Hamidović Omer | 68) Selimbašić Ramiz |
| 27) Hodžić Meho | 69) Skopljak Enes |
| 28) Horozović Emir | 70) Spahić Ekrem |
| 29) Imamović Rizah | 71) Stanić Berislav |
| 30) Isaković Rašid | 72) Starčević Fadil |
| 31) Isaković Hasan | 73) Stupnišek Slavko |
| 32) Ivanković Zoro | 74) Subašić Amela |
| 33) Jakić Draženko | 75) Šarac Izet |
| 34) Jerkić Nebojša | 76) Šečić Samir |
| 35) Karahodžić Kemal | 77) Šuvalić Himzo |
| 36) Karamović – Humić Amina | 78) Tahirović Sead |
| 37) Kavaz-Spahić Zlatija | 79) Tursum Zijad |
| 38) Kovač Maida | 80) Varupa Muhamed |
| 39) Kovačević Nihad | 81) Vinac Miroslav |
| 40) Krišto Željko | 82) Vrbić Edin |
| 41) Kubat Elvelin | 83) Zajko Esad |
| 42) Kulović Senad | 84) Zeko Pavo |
| 43) Kurdić Hamdo | 85) Zolota Nihad |
| 44) Kustura Mirsad | 86) Zorić Petar |
| 45) Kuzmanović Slavoljub | 87) Zuko Fendo |
| 46) Lovrenović Dragan | |
| 47) Lušija Arif | |
| 48) Ljevaković Jusuf | |
| 49) Mandić Dragan | |
| 50) Marušić Elvedin | |
| 51) Memišević Senad | |
| 52) Mešić Alma | |
| 53) Mešić Mirsad | |
| 54) Mešić Suljo | |

(4) Za sekretare ispitnih komisija za vozače motornih vozila imenuju se:

- 1) Šišić Elvis sekretar ispitnih komisija
- 2) Milak Haris sekretar u prijavnom i ispitnom mjestu Zenica
- 3) Alić Edina sekretar u prijavnom i ispitnom mjestu Zenica
- 4) Deljković Ajiša sekretar u prijavnom i ispitnom mjestu Tešanj
- 5) Krdžalić Amila sekretar u prijavnom i ispitnom mjestu Tešanj
- 6) Tadić Danijela sekretar u prijavnom mjestu Usora
- 7) Mustabašić Armina sekretar u prijavnom i ispitnom mjestu Maglaj
- 8) Čamdžić Aida sekretar u prijavnom i ispitnom mjestu Zavidovići
- 9) Nalić Asima sekretar u prijavnom i ispitnom mjestu Žepče
- 10) Kovač Niaz sekretar u prijavnom i ispitnom mjestu Kakanj
- 11) Omeragić Haris sekretar u prijavnom i ispitnom mjestu Visoko
- 12) Šišić Aziz sekretar u prijavnom i ispitnom mjestu Olovo
- 13) Kovačević Azra sekretar u prijavnom i ispitnom mjestu Breza
- 14) Balta Elma sekretar u prijavnom mjestu Vareš

Član 2.

(Obaveze komisija)

Imenovane osobe iz člana 1. ovog Rješenja se zadužuju za obavljanje svih radnji neophodnih za provođenje ispita za vozače motornih vozila na području Zeničko-dobojskog kantona, propisanih odredbama Zakona o osnovama sigurnosti saobraćaja na putevima u Bosni i Hercegovini u daljem tekstu: Zakon), Pravilnika o načinu i uvjetima organiziranja ispita za vozača motornih vozila (u daljem tekstu: Pravilnik), Uputstva o formiranju i organizaciji ispitnih komisija za vozače motornih vozila (u daljem tekstu: Uputstvo), Poslovnika o radu ispitnih komisija u

Zeničko-dobojskom kantonu (u daljem tekstu: Poslovnik) i drugih pozitivnih propisa koji reguliraju oblast osposobljavanja kandidata i polaganja ispita za vozače motornih vozila

Član 3.

(Naknada za rad)

Imenovanim osobama iz člana 1. ovog Rješenja za rad u ispitnim komisijama pripada novčana naknada u skladu s članom 22. Uputstva.

Član 4.

(Mandat komisija)

Ispitne komisije iz ovog Rješenja se imenuju na period od 1 (jedne) godine.

Član 5.

(Razrješenje prije prestanka mandata)

U slučaju utvrđenog kršenja odredbi Zakona, Pravilnika, Uputstva, Poslovnika i drugih pozitivnih propisa i pravnih akata, imenovane osobe iz člana 1. ovog Rješenja se mogu razriještiti i prije isteka perioda iz člana 4. ovog Rješenja.

Član 6.

(Stupanje na snagu)

Rješenje stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 10-23-129-5/21

MINISTAR

Datum: 18.01.2021. godine

Zenica

Prof. dr. Spahija Kozlić, s.r.

23.

U skladu sa članom 18. stav (1) Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15), članom 177. stav (7) i (8) Zakona o osnovama sigurnosti saobraćaja na putevima u Bosni i Hercegovini („Službeni glasnik BiH“, broj: 06/06, 75/06, 44/07, 84/09, 48/10, 18/13, 08/17, 89/17 i 09/18) i članom 6. stav (6) Pravilnika o osposobljavanju za vozača motornih vozila („Službeni glasnik BiH“, broj: 46/12, 12/18 i 74/18), Ministarstvo za obrazovanje, nauku, kulturu i sport Zeničko-dobojskog kantona, donosi:

INSTRUKCIJU
o izmjeni Instrukcije o načinu dostavljanja rasporeda
izvođenja teoretske nastave u autoškolama sa
područja Zeničko-dobojskog kantona

Član 1.

Član 3. Instrukcije o načinu dostavljanja rasporeda izvođenja teoretske nastave u autoškolama sa područja Zeničko-dobojskog kantona („Službene novine Zeničko-dobojskog kantona“, broj: 3/20), mijenja se i glasi:

„Član 3.

(Način dostavljanja rasporeda)

Autoškola je dužna dostaviti raspored izvođenja teoretske nastave Odsjeku za poslove saobraćajne edukacije, na način da isti u elektronskoj formi pošalje sa svoje službene e-mail adrese na e-mail adresu: teoretska.nastava@zdk.ba .“

Član 2.

Član 4. stav (2) mijenja se i glasi:

„(2) Autoškola je dužna dostaviti raspored izvođenja teoretske nastave u toku radnog vremena Odsjeka za poslove saobraćajne edukacije.“

Član 3.

(Stupanje na snagu)

Ovaj Instrukcija stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 10-02-1857-1/20

Datum: 05.01.2021. godine

Zenica

MINISTAR**Prof. dr. Spahija Kozlić, s.r.**

.....

MINISTARSTVO ZA RAD, SOCIJALNU
POLITIKU I IZBJEGLICE

24.

Na osnovu član 67. stav (3), a u vezi sa članom 68. stav (1) Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), člana 151. stav (2) Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, 3/15 i 2/16 – u daljem tekstu: *Kantonalni zakon*) i člana 9. stav (5) Pravilnika o unutrašnjoj organizaciji Ministarstva za rad, socijalnu politiku i izbjeglice Zeničko-dobojskog kantona, broj: 09-34-16463-4/12 od 17.08.2012. godine, ministrica Ministarstva za rad, socijalnu politiku i izbjeglice, d o n o s i

P R A V I L N I K

o načinu ostvarivanja prava na novčanu pomoć
socijalno intervenirajućeg karaktera za osobe i
porodice koje se nalaze u stanju socijalne potrebe

Član 1.

(Predmet pravilnika)

Ovim pravilnikom utvrđuje se način ostvarivanja novčane pomoći socijalno intervenirajućeg karaktera za osobe i porodice koje se nađu u stanju socijalne potrebe usljed nemogućnosti:

1. plaćanja troškova liječenja (pregled, odlazak i povratak sa liječenja),
2. plaćanja troškova vantjelesne oplodnje,
3. nabavke lijekova kod liječenja težih oboljenja,
4. nabavke neophodnih ortopedskih pomagala,
5. poboljšanja uslova stanovanja, odnosno stambenog zbrinjavanja,
6. prevazilaženja drugih posebnih okolnosti koje uzrokuju stanje socijalne potrebe osobe i porodice.

Član 2.

(Korisnici)

- 1) Pravo na novčanu pomoć socijalno intervenirajućeg karaktera može ostvariti osoba ili porodica u stanju socijalne potrebe u skladu sa članom 10. stav (2) Kantonalnog zakona (u daljem tekstu: korisnici).

- 2) Korisnici su osobe ili porodice u potrebi za novčanom pomoći zbog sufinansiranja ili finansiranja:
- a) liječenja van Zeničko-dobojskog kantona i države;
 - b) bolničkog liječenja na području Zeničko-dobojskog kantona;
 - c) kupovine potrebnih lijekova kod liječenja težih oboljenja;
 - d) kupovine ortopedskog pomagala;
 - e) sufinansiranje troškova vanjtesne oplodnje;
 - f) sanacije, adaptacije ili pomoći u izgradnji stambenog prostora osoba ili porodica u stanju socijalne potrebe, osoba sa invaliditetom, civilnih žrtava rata, korisnika socijalne pomoći, osoba kojima prestaje smještaj u ustanovi socijalne zaštite radi povratka u porodicu, žrtava nasilja u porodici, beskućnika, višečlanih i jednoroditeljskih porodica;
 - g) prevazilaženja drugih posebnih stanja socijalne potrebe koja ugrožavaju egzistenciju i funkcionisanje osobe ili porodice, odnosno korisnika stalne socijalne pomoći, osoba kojima je prestao smještaj u ustanovi socijalne zaštite, žrtava nasilja u porodici, višečlanih porodica i beskućnika.

Korisnici mogu biti i pripadnici boračke populacije ukoliko ne mogu ostvariti pravo u skladu sa važećim propisima iz boračko-invalidske zaštite, ili imaju teže oboljelog člana porodice kojem je neophodno liječenje ili nabavka lijekova za liječenje težih oboljenja, te Komisija ocijeni da je zbog stanja socijalne potrebe zahtjev podnosioca opravdan.

Član 3.

(Podnošenje zahtjeva)

- (1) Postupak za ostvarivanje prava na novčanu pomoć pokreće se podnošenjem zahtjeva Ministarstvu za rad, socijalnu politiku i izbjeglice Zeničko-dobojskog kantona (u daljem tekstu: Ministarstvo) podnosioca koji pomoć traži ili na zahtjev njegovog zakonskog zastupnika, odnosno člana domaćinstva.
- (2) Postupak za ostvarivanje prava na novčanu pomoć pokreće se podnošenjem zahtjeva nadležnom centru za socijalni rad, odnosno gradskoj/općinskoj službi za socijalnu zaštitu prema prebivalištu stranke na području Zeničko-dobojskog kantona, ukoliko se radi o licu bez prihoda koje pomoć traži usljed teške materijalne situacije.
- (3) Ukoliko se zahtjevi podneseni iz razloga navedenih u stavu (2) ovog člana podnesu neposredno Ministarstvu, isti će se proslijediti na rješavanje nadležnom centru za socijalni rad/službi za socijalnu zaštitu.

- (4) Postupak može biti pokrenut i od strane nadležnog centra za socijalni rad/službe za socijalnu zaštitu sa područja Zeničko-dobojskog kantona ili drugih institucija/ustanova i nevladinih organizacija.
- (5) Obrazac zahtjeva za ostvarivanje predmetnog prava čini sastavni dio ovog pravilnika.
- (6) Obrazac zahtjeva je dostupan na službenoj web stranici Zeničko-dobojskog kantona adresi www.zdk.ba, kao i na predviđenom mjestu kod Protokola u zgradi Zeničko-dobojskog kantona, na adresi: Kučukovići br. 2, Zenica.
- (7) U razmatranje će biti uzeti i zahtjevi koji ne budu podnijeti na propisanom obrascu.

Član 4.

(Dokazna dokumentacija)

- (1) U postupku podnošenja zahtjeva za ostvarivanje pomoći iz člana 1. ovog pravilnika, podnosilac zahtjeva je dužan priložiti sljedeću dokumentaciju:
 - a) kopiju lične karte;
 - b) kopiju dokaza o prebivalištu/boravištu (CIPS), koja nije starija od 6 mjeseci;
 - c) kopija kartice bankovnog tekućeg računa ili uvjerenje o otvorenom tekućem računu;
 - d) original ili ovjerena kopija kućne liste članova zajedničkog domaćinstva, koja nije starija od 6 mjeseci;
 - e) kopije dokaza o prihodima domaćinstva (posljednja platna lista, uvjerenje Zavoda PIO/MIO ili posljedni ček od penzije, uvjerenje Biroa za zapošljavanje o nezaposlenosti, rješenje ili uvjerenje o ostvarivanju prava iz boračko-invalidske zaštite ili prava iz socijalne zaštite, zaštite prava civilne žrtve rata ili prava porodice sa djecom, nalaz i mišljenje Prvostepene stručne komisije i/ili Instituta za medicinsko vještačenje, kopiju zdravstvene knjižice ukoliko je osoba ili član porodice osiguran preko podnosioca zahtjeva ili drugog lica, potvrda o školovanju za punoljetne članove i drugi relevantni dokazi);
 - f) medicinska dokumentacija (uputnica, otpusno pismo ili nalaz ljekara o potrebi liječenja, odluka ili potvrda nadležne zdravstvene ustanove, predračun i/ili račun zdravstvene ustanove i drugi dokazi o potrebi liječenja), ukoliko se zahtjev odnosi na potrebu sufinansiranja ili finansiranja troškova liječenja u skladu sa članom 2. stav (2) tačka a), b) i c) ovog pravilnika;

- g) ukoliko se zahtjev odnosi na nabavku lijekova kod liječenja težih oboljenja - predračun i/ili račun firme o cijeni lijekova, odnosno otpusno pismo ili medicinsku dokumentaciju kao dokaz o potrebnim lijekovima, odnosno uvjerenje Zavoda za zdravstveno osiguranje Zeničko-dobojskog kantona o visini učešća u nabavci lijeka;
- h) ukoliko se zahtjev odnosi na nabavku ortopedskog pomagala - predračun i/ili račun firme o cijeni ortopedskog pomagala, potvrda nadležne zdravstvene ustanove o potrebi za ortopedskim pomagalom ili uvjerenje Zavoda za zdravstveno osiguranje Zeničko-dobojskog kantona o visini učešća u nabavci ortopedskog pomagala;
- i) ukoliko se zahtjev odnosi na sufinansiranje troškova vantjelesne oplodnje- potvrda nadležne zdravstvene ustanove ili uvjerenje Zavoda za zdravstveno osiguranje Zeničko-dobojskog kantona o finansiranju vantjelesne oplodnje;
- j) ukoliko se zahtjev odnosi na pomoć u funkciji poboljšanja uslova stanovanja, odnosno stambenog zbrinjavanja - predračun sa cijenom troškova radova na sanaciji ili adaptaciji stambenog prostora, posjedovni list kuće ili stana, zemljišno-knjižni izvadak ili uvjerenje iz knjige položenih ugovora, kao i zapisnici nadležne komisije za utvrđivanje štete na objektu/prostoriji usljed elementarnih nepogoda i slično;
- k) dokazna dokumentacija ukoliko se zahtjev odnosi na pomoć za prevazilaženje drugih posebnih stanja socijalne potrebe;
- l) Uvjerenje o vremenskom periodu provedenom u statusu OSRBiH, ukoliko je osoba ili član porodice ima vojni staž u periodu od 1992. do 1995. godine.
- (2) Dokazna dokumentacija nije relevantna ako je starija od 10 mjeseci od podnošenja zahtjeva.

Član 5.

(Imenovanje i zadatak Komisije)

- (1) Ministrica donosi Rješenje o imenovanju Komisije za davanje prijedloga o odobravanju novčane pomoći socijalno intervenirajućeg karaktera.
- (2) Komisija iz stava (1) ovog člana, ima zadatak da razmotri i utvrdi osnovanost podnesenog zahtjeva za pomoć, te shodno ocjeni sačinii zapisnik po svakom zahtjevu sa prijedlogom za Ministricu o odobravanju pomoći, vodeći računa o Programu potrošnje sredstava u konkretnoj budžetskoj godini.

- (3) Komisija će prilikom razmatranja zahtjeva prednost davati podnosiocima zahtjeva, osobama i porodicama:
- a) bez prihoda,
- b) čija ukupna primanja domaćinstva ne prelaze iznos prosječne plaće Kantona za prethodnu godinu,
- c) koje imaju status civilne žrtve rata ili status osobe sa invaliditetom,
- d) kojima je zbog posebnih socijalnih okolnosti ugrožena egzistencija i funkcionisanje u društvu, kako je to utvrđeno u članu 2. stav (2) tačka g),
- d) koje se po preporuci centra za socijalni rad/službe za socijalnu zaštitu nalaze u riziku od razdvajanja od porodice.
- (4) Izuzetno od uslova iz stava (3) tačka b) ovog člana, Komisija će prilikom razmatranja zahtjeva prednost davati osobama i porodicama ako se nalaze u stanju socijalne potrebe usljed nemogućnosti plaćanja visokih troškova za liječenje, nabavku ortopedskog pomagala ili usljed elementarne nesreće.

Član 6.

(Razmatranje zahtjeva)

- (1) Zahtjevi će se rješavati u skladu sa pravilima propisanim Zakonom o upravnom postupku.
- (2) U slučaju nepotpune dokumentacije uz zahtjev, podnosilac će biti obavješten pismenim putem ili prema procjeni službene osobe koja vodi postupak o hitnosti postupanja, izuzetno putem telefonske obavijesti, o čemu se sastavlja službena zabilješka.
- (3) Rok za dopunu zahtjeva je 8 dana od dana prijema pismene obavijesti.
- (4) Ukoliko iz svih okolnosti konkretne situacije proizilazi potreba i opravdanost za hitno postupanje s ciljem prevazilaženja stanja socijalne potrebe osobe, odnosno porodice, zahtjev će se prioritarno riješiti, uz obavezu da podnositelj zahtjeva naknadno dostavi nužnu dokumentaciju.
- (5) Ministarstvo će po potrebi pribaviti mišljenje, odnosno konsultirati nadležni centar za socijalni rad ili općinsku službu socijalne zaštite.

Član 7.

(Rok za rješavanje)

- (1) Rok za rješavanje po zahtjevu stranke je 30 dana, a u hitnim slučajevima je 15 dana u skladu sa Zakonom o upravnom postupku.

Član 8.**(Iznos novčane pomoći)**

- (1) Na prijedlog Komisije, Ministrica odobrava predmetnu pomoć u iznosu od 150,00 KM do 3.000,00 KM.
- (2) Novčana pomoć može biti odobrena jednom u toku kalendarske godine, a izuzetno dva puta ako se radi o težem stanju socijalne potrebe u toku kalendarske godine.
- (3) Novčane pomoći će se odobravati u skladu sa budžetskim mogućnostima Ministarstva.
- (4) Novčane pomoći za podnosiocima zahtjeva iz člana 3. stav (2) ovog pravilnika odobravaju se u skladu sa raspoloživim novčanim sredstvima koja se putem Ministarstva odobravaju iz Budžeta Zeničko-dobojskog kantona svake godine centrima za socijalni rad i službama socijalne zaštite kao namjenska sredstva za jednokratne pomoći pojedincima i porodicama koje se nalaze u stanju socijalne potrebe, u skladu sa odlukom Vlade Zeničko-dobojskog kantona.

Član 9.**(Stupanje na snagu)**

- (1) Donošenjem ovog Pravilnika prestaje da važi Pravilnik ministricice broj: 09-14-9646-3/19
Zenica: 30.10.2019.godine.
- (2) Ovaj Pravilnik stupa na snagu danom donošenja, a bit će objavljen u „Službenim novinama Zeničko-dobojskog kantona“.

Broj: 09-02-13909/20
Zenica: 18.08.2020.godine

MINISTRIČA

Azra Šabanović, s.r.

.....

Bosnia and Herzegovina
FEDERATION OF BOSNIA AND HERZEGOVINA
ZENICA-DOBOJ CANTON

Sektor za socijalnu politiku

(Broj telefona)

(Opis problema)

[illegible]

DOKAZNA DOKUMENTACIJA	FORMA DOKUMENTA	IZDAJE GA
Lična karta	Kopija	MUP
Dokaz o prebivalištu/boravištu (CIPS), ne stariji od 6 mjeseci	Kopija	MUP
Bankovni tekući račun ili uvjerenje o otvorenom tekućem računu	Kopija	Banka
Kućna lista, ne starija od 6 mjeseci	Original ili ovjerena kopija	Nadležna gradska/općinska služba
Dokazi o prihodima članova domaćinstva - posljednja platna lista, uvjerenje Zavoda PIO/MIO ili posljedni ček od penzije, uvjerenje Biroa za zapošljavanje o nezaposlenosti, rješenje ili uvjerenje o ostvarivanju prava iz boračko-invalidske zaštite ili prava iz socijalne zaštite, zaštite prava civilne žrtve rata ili prava porodice sa djecom, nalaz i mišljenje Prvostepene stručne komisije i/ili Instituta za medicinsko vještačenje, kopiju zdravstvene knjižice ukoliko je osoba ili član porodice osiguran preko podnosioca zahtjeva ili drugog lica, potvrda o školovanju za punoljetne članove i drugi relevantni dokazi	Kopije	Poslodavac/Zavod PIO/MIO/Zavod za zapošljavanje/Nadležna gradska/općinska služba/Centar za socijalni rad/obrazovna ustanova /zdravstvena ustanova

Medicinska dokumentacija - uputnica, otpusno pismo ili nalaz ljekara o potrebi liječenja, odluka ili potvrda nadležne zdravstvene ustanove, predračun i/ili račun zdravstvene ustanove i drugi dokazi o potrebi liječenja	Kopija	Firma/Nadležna zdravstvena ustanova/Zavod zdravstvenog osiguranja
Ukoliko se zahtjev odnosi na nabavku lijekova kod liječenje težih oboljenja - predračun i/ili račun firme o cijeni lijekova, odnosno otpusno pismo ili medicinsku dokumentaciju kao dokaz o potrebnim lijekovima, odnosno uvjerenje Zavoda za zdravstveno osiguranje Zeničko-dobojskog kantona o visini učešća u nabavci lijeka	Kopija	Firma/Nadležna zdravstvena ustanova/Zavod zdravstvenog osiguranja
Ukoliko se zahtjev odnosi na nabavku ortopedskog pomagala - predračun i/ili račun firme o cijeni ortopedskog pomagala, Potvrda nadležne zdravstvene ustanove o potrebi za ortopedskim pomagalom ili uvjerenje Zavoda za zdravstveno osiguranje Zeničko-dobojskog kantona o visini učešća u nabavci ortopedskog pomagala	Kopija	Firma/Nadležna zdravstvena ustanova/Zavod zdravstvenog osiguranja
Ukoliko se zahtjev odnosi na sufinansiranje troškova vantjelesne oplodnje - potvrda nadležne zdravstvene ustanove ili uvjerenje Zavoda za zdravstveno osiguranje Zeničko-dobojskog kantona o finansiranju vantjelesne oplodnje	Kopija	Firma/Nadležna zdravstvena ustanova/Zavod zdravstvenog osiguranja
Ukoliko se zahtjev odnosi na pomoć u funkciji poboljšanja uslova stanovanja, odnosno stambenog zbrinjavanja - predračun sa cijenom troškova radova na sanaciji ili adaptaciji stambenog prostora, posjedovni list kuće ili stana, zemljišno-knjižni izvadak ili uvjerenje iz knjige položenih ugovora, kao i zapisnici nadležne komisije za utvrđivanje štete na objektu/prostoriji usljed elementarnih nepogoda i slično.	Kopija	Općinski sud/ Zemljišnoknjižni ured/Nadležna gradska/općinska služba
Dokazna dokumentacija ukoliko se zahtjev odnosi na pomoć za prevazilaženje drugih posebnih stanja socijalne potrebe za sljedeće osobe i porodice: korisnike stalne socijalne pomoći, osobe kojima je prestao smještaj u ustanovi socijalne zaštite, žrtve nasilja u porodici, višečlane porodice i beskućnike	Kopija	Nadležne institucije, ustanove
Uvjerenje o vremenskom periodu provedenom u statusu OSRBiH, ukoliko je osoba ili član porodice ima vojni staž u periodu od 1992. do 1995. godine	Kopija	Odsjek za pitanja evidencija iz oblasti vojne oblasti ZDK

Napomena: Ostala dokazna dokumentacija nije relevantna ako je starija od 10 mjeseci od podnošenja zahtjeva.

Rok za rješavanje urednog predmeta: 30 radnih dana.

Rok za dostavu dopune dokumentacije: 15 dana.

Zenica, _____
(Datum podnošenja zahtjeva)

(Potpis podnosioca zahtjeva)



S A D R Ź A J

V L A D A

1. Odluka o određivanju potpisnika naloga platnih transakcija za period od 01.01.2021. godine do 31.03.2021. godine	1
2. Odluka o unosu nedostajućih sredstava za stvorene obaveze u Budžetu Zeničko-dobojskog kantona za 2020. godinu	3
3. Odluka o privremenom raspolaganju namjenskim sredstvima budžeta.....	3
4. Odluka o preraspodjeli rashoda u budžetu Zeničko-dobojskog kantona za 2020. godinu.....	4
5. Odluka o davanju saglasnosti na Kolektivni ugovor o pravima i obavezama poslodavaca i radnika u zdravstvu na području Zeničko-dobojskog kantona	4
- KOLEKTIVNI UGOVOR O PRAVIMA I OBAVEZAMA POSLODAVACA I RADNIKA U ZDRAVSTVU NA PODRUČJU ZENIČKO-DOBOJSKOG KANTONA.....	6
6. Odluka o odobravanju sredstava za pokriće troškova nabavke endoskopske linije za potrebe JU Kantonalna bolnica Zenica	22
7. Odluka o odobravanju sredstava za građevinsko-zanatske radove u JU Kantonalna bolnica Zenica.....	22
8. Odluka o odobravanju sredstava za pokriće troškova nabavke rezervnih dijelova za medicinsku i nemedicinsku opremu za potrebe JU Kantonalna bolnica Zenica	24
9. Odluka o odobravanju sredstava zdravstvenim ustanovama sa područja Zeničko-dobojskog kantona - finansijska pomoć za sanaciju posljedica nastalih uslijed proglašene pandemije COVID-19.....	25
10. Odluka o odobravanju sredstava za nabavku električnih kreveta za potrebe JU Kantonalna bolnica Zenica	26
11. Odluka o odobravanju sredstava JU Kantonalna bolnica Zenica za nabavke medicinske opreme i radove koji se odnose na suzbijanje zarazne bolesti uzrokovane virusom COVID-19	27
12. Odluka o odobravanju sredstava za nabavku digitalnog mamografa za potrebe JU Kantonalna bolnica Zenica	29
13. Odluka o odobravanju sredstava na ime nadoknade dijela štete vlasnicima životinja kod naglih uginuća	29
14. Odluka o odobravanju sredstava za sufinansiranje rekonstrukcije i asfaltiranja postojeće makadamske prometnice u povratničkom naselju Bejići, općina Usora	32
15. Odluka o preraspodjeli sredstava u budžetu Zeničko-dobojskog kantona za 2020. godinu	32
16. Odluka o utvrđivanju visine reprezentacije i poklona za 2020. godinu.....	33
17. Rješenje o imenovanju članova Koordinacionog tijela za provođenje dvogodišnjeg programa mjera za prevenciju, zaštitu i borbu protiv nasilja u porodici za područje Zeničko-dobojskog kantona.....	34
18. Rješenje o konačnom imenovanju na poziciju predsjednika i člana Nadzornog odbora JU Centar za djecu i odrasle osobe s posebnim potrebama Zeničko-dobojskog kantona	34
19. Rješenje o konačnom imenovanju Upravnog odbora JU Institut za zdravlje i sigurnost hrane Zenica	35

MINISTARSTVO ZA OBRAZOVANJE, NAUKU, KULTURU I SPORT

20. PRAVILNIK o postupku utvrđivanja uslova, sadržaju i načinu vođenja Registra osnovnih škola.....	36
21. Pravilnik o postupku utvrđivanja uslova, sadržaju i načinu vođenja Registra srednjih škola i domova učenika	41
22. Rješenje o imenovanju ispitnih komisija za vozače motornih vozila u Zeničko-dobojskom kantonu	48
23. INSTRUKCIJA o izmjeni Instrukcije o načinu dostavljanja rasporeda izvođenja teoretske nastave u autoškolama sa područja Zeničko-dobojskog kantona	51

MINISTARSTVO ZA RAD, SOCIJALNU POLITIKU I IZBJEGLICE

24. P R A V I L N I K o načinu ostvarivanja prava na novčanu pomoć socijalno intervenirajućeg karaktera za osobe i porodice koje se nalaze u stanju socijalne potrebe	52
---	----

Izdavač: Zeničko-dobojski kanton, ul. Kučukovići br. 2, Zenica

Glavna i odgovorna urednica: Berjana Ačkar, **Telefon:** 032/460-675

Redakcija i pretplata: 032/460-676; **Štampa:** „PETICA“ Zenica, **Telefon:** 062/211-347

pretplata se vrši u korist depozitnog računa Zeničko-dobojskog kantona broj 134010000001672
otvorenog kod ASA D.D. Sarajevo

